

Санкт-Петербургская  
православная духовная академия  
*Архив журнала «Христианское чтение»*

**В.Г. Дружинин**

**«Священноиерей»**

**Матвей Андреев, его беседы с  
беспоповцами и послания к ним:  
к истории полемики между старообрядцами в  
начале XVIII века**

*Опубликовано:*

*Христианское чтение. 1908. № 8-9. С. 1195-1237.*

© Сканирование и создание электронного варианта:  
Санкт-Петербургская православная духовная академия  
([www.spbda.ru](http://www.spbda.ru)), 2009. Материал распространяется на основе  
некоммерческой лицензии [Creative Commons 3.0](https://creativecommons.org/licenses/by/3.0/) с указанием  
авторства без возможности изменений.



СПБПДА  
Санкт-Петербург  
2009

## „Священноіерей“ Матвѣй Андреевъ, его бесѣды съ безпоповцами и посланія къ нимъ \*).

(Къ исторіи полемики между старообрядцами въ началѣ XVIII вѣка).

### III. Третья Бесѣда.

(л. 5). О имени Господа нашего Ісуса Христа Сына Божія.

Глава 1. Благочестивыя православныя христіанскія вѣры святыя соборныя апостольскія церкви преданныхъ догматовъ и всего благочестія снискатель, и подражатель, и хранитель странствующій многогрѣшный, первый во грѣсѣхъ, послѣдній въ человѣцѣхъ священноіерей Матвѣй Андреевъ.

Глава 2. Благочестія рачителемъ истинныя правыя вѣры, возлюбленнымъ святымъ братіямъ, Сіонскимъ чадамъ, всѣмъ православнымъ христіаномъ радоватись, и утвержатися, и воспитоватись, и возрастати во святыхъ благочестивыхъ отеческихъ догматехъ, кромѣ всякія еретическія скверны и порока.

Глава 3. Обительнымъ собрателемъ, наставникомъ и большакомъ вашимъ, духовникомъ, и пастыремъ и учителемъ, и крестителемъ, и крестникомъ вашимъ, и дѣтемъ духовнымъ, и всѣмъ избранникомъ, и рабамъ и рабынямъ вашимъ во извѣщеніе и во объявленіе, како въ вѣрѣ вашей мудрствуете о церковныхъ догматахъ.

Глава 4. Благородію и честности вашей сія мы воспиемъ вопрошенія и достовѣрное извѣщеніе, дабы намъ вѣдать и всѣмъ правовѣрнымъ, како мудрствуете о святей церкви, и о догматехъ церковныхъ, и о священствѣ, и о пречистыхъ тайнахъ Христовыхъ, и что есть церковное преданіе.

О тайнахъ церковныхъ и о священствѣ. О первой тайнѣ святаго крещенія, миропомазанія, о покаяніи,

\*) Продолженіе. См. іюль—іюль.

и о вѣнчаніи, и о елеопомазаніи надъ больнымъ, и о запо-  
вѣдехъ церковныхъ, всему ли есте вѣрны, и безъ которыхъ  
тайнъ не мочно спасенымъ быть и вѣчныхъ благъ полу-  
чить <sup>1)</sup>.

Глава 5. И о прочихъ предложенныхъ нами здѣ вопро-  
сѣхъ 20-ти желаемъ благородія вашего чистаго рѣшенія и  
отвѣтствованія, и благоувѣтливаго, и кроткаго, и смиреннаго  
врачеванія со извѣстнымъ и достовѣрнымъ свидѣтельствомъ  
божественныхъ писаній. И аще каково любо и досажденіе воз-  
мнится честному вашему лицу чрезъ нашу грубость и не-  
наказаніе, и о томъ просимъ со смиреніемъ прощенія.

Глава 6. Извѣстно буди вамъ сіе всѣмъ большакомъ,  
и наставникомъ, и духовникомъ, и крестителемъ, и избран-  
никомъ, что слышимъ мы отъ вашихъ рабовъ поныряющихъ  
въ дома: оклеветуютъ, и облыгаютъ, и возмущеніе ближ-  
нимъ нашимъ творятъ, и развращаютъ, и порицаютъ тай-  
нымъ волкомъ и еретикомъ и зміевъ защитникъ и горше  
отъ никоніянъ и запрещаютъ людямъ приходить къ намъ.

Глава 7. Удивляемся вашему благоумію и благородію!  
Кого послушали? Кому повѣрили? Къ кому пошли? Весь  
онъ въ ересехъ родился, въ ересѣхъ крестился, въ ересѣхъ  
вѣнчался, въ ересѣхъ поставленъ, по ересемъ служить. И  
отъ кого поставленъ? Молился духу лукавому. Кое общеніе  
свѣту со тьмою? Кая часть вѣрнымъ съ невѣрнымъ и проч. <sup>2)</sup>.

(об.) Глава 8. Свидѣтельство приводятъ: никтоже отъ про-  
клятыхъ иному преподаетъ благословенія, егоже самъ ли-  
пшися <sup>3)</sup>; и другое: понеже отъ клятвы благословеніе не бы-  
ваетъ и отъ смраду благоуханіе не изходитъ, ни отъ гнила  
трупія иной исцѣлится, ни отъ ереси духовное дѣйство не  
исполняется и проч. <sup>4)</sup>.

Глава 9. На сія свидѣтельства Златоустъ толкъ творитъ  
на ветхій законъ, на жидъ <sup>5)</sup>, а другое тамъ пишетъ на ар-  
мянъ и на преблзненная словеса ихъ свидѣтельство св. апо-  
стола Павла <sup>6)</sup> сице: полагаю и благодарю укрѣпляющаго  
мя Христа Іеуса Господа нашего, яко вѣрна мя нещцева  
положивъ мя въ службу. Быша мя иногда хульника, гонителя,  
досадителя, но помилованъ быхъ, яко невѣдый сотворилъ и  
въ непознаніи правыи вѣры благочестія. О семъ всѣмъ извѣ-  
щаю сице.

Глава 10. Рожденъ есмь плотію отъ священника Ан-  
дрея, а крещенъ отъ священника стараго поставленія Гавріла,  
служилъ онъ старымъ книгамъ, а поставленъ митропо-  
литъ Димитрій Ростовскій <sup>7)</sup> и у церкви 3 годы былъ. И  
егда, о благочестіи ревнуя, ко отцемъ въ пустыню шель,  
и приняли насъ и обращающимся отъ еретикъ ересь про-

<sup>1)</sup> Явите намъ на письмѣ. <sup>2)</sup> 1 Коринѣ. 145. <sup>3)</sup> Бесѣдъ листъ 1522.

<sup>4)</sup> Цвѣтникъ Досиеея на армянъ. <sup>5)</sup> Зри Досиеея. <sup>6)</sup> 1 пос. Тимое. гл. 1-ая.  
7212 ноября 21 день (т. е. 1703 г.).

клялъ <sup>1)</sup> и покаяніе въ томъ, что служилъ по новому, Богу приносить и прощеніе предъ отцемъ духовнымъ священноинокомъ Досифеемъ и прочими отцы приносилъ <sup>2)</sup>; и паки отъ нихъ благословенъ службу служить <sup>3)</sup>.

О истинномъ правовѣрїи.

1. О исповѣданїи святыхъ вѣры. И аще мы, многогрѣшніи, но нѣсть мы новыи вѣры учителя, но православныи вѣры христіанскїя поборники, яко же апостоли Римляномъ (глава 5) рече: оправдившеса убо вѣрою, миръ имамы къ Богу Господомъ нашимъ Ісусомъ Христомъ, имже и приведеніе обрѣтохомъ вѣрою во благодать сію, въ ней же стоимъ и хвалимся упованїемъ славы Божїя. О, колико о семъ тщанїе показывать подобаетъ, еже познати истинную православную вѣру, яже есть по святому Златоусту всѣхъ благихъ мати и всѣхъ добродѣтелей красота <sup>4)</sup>.

2. О законѣ благодати <sup>5)</sup>. Законъ Божїя благодати правъ и истиненъ благъ, непороченъ и не имать конца, яко Моисеовъ. Благодать Божїя есть вѣчна и крѣпка, ниже бо человекъ, ниже время, ни обстояніе вещей, ни самъ діаволь, ни смерть нашедши изгнати насъ отъ оная возмогутъ. Увѣждь отнынѣ, о человекъ суетный, кто есть сильнѣе: Богъ ли—датель закона благодати, или діаволь—врагъ всѣхъ разоряяй; грѣхъ ли или законъ; душа ли лучше или тѣло; законъ ли спасаея ю, или преступленіе закона благодати <sup>6)</sup> и заповѣдей, погубляяй и душу и тѣло; и что добрѣе: правда или лжа, рай или мука <sup>7)</sup>?

3. <sup>8)</sup> О единой святой соборной апостольской церкви; о величествѣ и о славѣ ея, юже самъ Господь благолѣпно водрузи, состави и устрои церковь свою Духомъ Святымъ, (л. 6) силою и дѣйствомъ, освяти ю кровїю своею и утверди ея на камени исповѣданїя Божества непреклонну и непоколебиму <sup>9)</sup>; адскихъ дверей крѣпчайшу, ересей безмѣстныхъ державнѣйшу и вышшу; бѣсовскихъ дѣйствъ и крѣпостей, неприкосновенну и неуязвленну <sup>10)</sup>. О нейже Златоустъ: Церковь паче небеси вкоренилася есть, небесъ вышши есть, земли ширши есть, паче аггелъ честнѣйши есть и паче всея твари дражайши есть.

4. О богоустановленномъ іерейскомъ чинѣ, яко есть вѣченъ и непрелагаемъ <sup>11)</sup>. Приде бо архїерей вѣчныхъ благъ, и яко же самъ никогда не умираетъ, тако же іерейство его не престааетъ.

5. <sup>12)</sup> О покаянїи, еже за грѣхи бываетъ съ сокрушенїемъ сердечнымъ во исповѣданїи грѣховъ съ надеж-

<sup>1)</sup> Потреб. листъ 507. <sup>2)</sup> Кормчіа грань 14. <sup>3)</sup> Зри. <sup>4)</sup> Рим. правоуч. 2.

<sup>5)</sup> Катихисъ Бол. гл. 48. <sup>6)</sup> Ниже. Кая польза человекъ, аще весь міръ прїобрѣщетъ, а душу погубитъ. <sup>7)</sup> Что дастъ измѣну. <sup>8)</sup> О единой святой соб. церкви. <sup>9)</sup> Въ недѣлю 50-цы. Листъ 590. <sup>10)</sup> Маргаритъ сл. предста царца. На 50-цу. <sup>11)</sup> Книга Кирил. Ерус. Листъ 76. <sup>12)</sup> 5 тайна Катихисъ.

дою о отпущеніи ради изліянія честнаго крове Сына Божія. И та разрѣшеніемъ священническимъ.

6 <sup>1)</sup>. О тайнѣ супружества или законнаго брака. Отъ Христа Бога установлено есть во умноженіе рода человѣческаго и въ воспитаніе чадъ ко славѣ Божіи, въ неразрѣшимый союзъ любви и дружества, и еже отъ грѣха любодѣяній отгребатися.

7 <sup>2)</sup>. О елеосвященномъ помазаніи съ молитвою священныхъ въ немощи отпушенія ради грѣховъ и здравія ради тѣлеснаго. И аще грѣхи будетъ сотворилъ, отпустятся ему.

8. О правовѣрїи нашемъ. Ясно вѣруемъ и исповѣдуемъ, яко единъ Господь, едина вѣра, едино крещеніе, едины тайны тѣла и крове Христовы, единъ Богъ и Отецъ всѣхъ, иже надъ всѣми, и о всѣхъ, и во всѣхъ насъ, и все преданіе церковное отъ Христа Бога и святыхъ апостолъ Его намъ преданное и святыхъ вселенскихъ соборовъ святыхъ отецъ <sup>3)</sup>.

9. Вѣруемъ и исповѣдуемъ пресвятую Богородицу Матерь Христа Бога нашего, предъ рождествомъ Дѣву и въ рождествѣ Дѣву и паки по рождествѣ Еммануиловѣ Дѣву, и по смерти живу и нетлѣнна пребываетъ и преждъ общаго воскресенія взята съ душею и тѣломъ на небеса; честнѣйшу херувимъ и славнѣйшу серафимъ, и яко та молится о насъ Сыну своему и скорая помощница въ бѣдахъ и скорбѣхъ и теплая заступница всѣмъ призывающимъ.

10. Вѣруемъ честному кресту Христову, почитаемъ, и поклоняемся, и цѣлуемъ, и приедемъ во освященіе, яко на томъ непорочный Агнецъ Христосъ на жертву принесенъ и закланъ и страсть и смерть насъ ради прїятъ; яко крестомъ вси дары Духа Святаго вѣрнымъ подаются. Крестомъ адъ сокрушися и Адамъ оживленъ бысть, и разрушися держава смерти; крестомъ рай затворенный отверзся и вся вселенная освятися и прелесть упразднися <sup>4)</sup> и къ Богу приведени быша.

11. Вѣруемъ и исповѣдуемъ быти въ пречистыхъ тайнахъ истинное тѣло и кровь Христову подъ виды хлѣба и вина. И яко того властію Божества бываетъ при (об.) святой литургїи премѣненіе существа въ пресущественное таинство; и яко того ради прїятія живетъ въ насъ Христосъ и мы въ немъ, яко о томъ самъ Господь рекъ: ядый Мою плоть и пїя Мою кровь во Мнѣ пребываетъ и Азъ въ немъ.— И мнози святїи рѣша о томъ <sup>5)</sup>.

12. Образу Христову поклоняемся, яко самому Богу и евангелїя святаго послушаемъ съ вѣрою, яко самого Христа Бога словесемъ и цѣлуемъ любовію, яко истинную,

<sup>1)</sup> Кормч. листъ 521. <sup>2)</sup> Катихисъ гл. 41. <sup>3)</sup> Свят. отецъ Соб. 1454.

<sup>4)</sup> Книга о Вѣрѣ и Соборникъ. <sup>5)</sup> Златоустъ, Дамаскинъ, Григорій, Кириллъ, Іоаннъ 23.

правую премудрость Божию въ немъ вѣримъ быти; и пречистую маргариту (*такъ*) тѣло и крове приѣмлемъ, яко самого Христа съ вѣроу приѣмлемъ. Оно бо пріятное святое проходить во вся уды, и кости, и мозги наша во освященіе и просвѣщеніе смиренной нашей души и тѣлу, въ сохраненіе отъ всякихъ дьявольскихъ дѣйствъ и во очищеніе отъ всякихъ нечистотъ, и въ приложеніе божественныя благодати, и въ присвоеніе Царства Небеснаго и въ наслѣдіе живота вѣчнаго <sup>1)</sup>.

13. Образомъ пресвятыя Богородицы и святыхъ аггеловъ небесныхъ силъ, яко слугъ Божіихъ, и всѣхъ святыхъ почитаемъ съ вѣроу и поклоняемся, яко сія честь возходитъ на первообразнаго славу; и призываемъ, яко помощники, и хранители, и заступники сушая притекающимъ къ нимъ съ вѣроу, понеже пріаща дерзновеніе къ Богу, яко угодни раби Господеви своему.

14. Вѣроу и почитаю мощи святыхъ чудотворцовъ святителей мученикъ преподобныхъ, и поклоняюся съ вѣроу, и любезно цѣлую и почитаю, яко Духа Святаго жилище. И святыя чудотворныя образы почитаю, яко подавають исцѣленія душамъ и тѣломъ съ вѣроу приходящимъ, понеже Христа ради пострадаша и отъ Него пріаща благодать. Благодать бо Божія погаными ниже всякою нечистотою не бываетъ осквернена, якоже имамы прикладъ о кіотѣ Господнемъ, и гробъ Господень, и риза Господня, или гдѣ есть мощи святыхъ <sup>2)</sup>.

15. Вѣроу и воскресенію мертвыхъ и жизни будущаго вѣка по неложному словеси Господню, яко вѣрнии избраннии благоугодившии Богу купно съ тѣломъ прославитись имуть славою подобно аггеломъ по реченному Господемъ: тогда праведницы просвѣтятся, яко солнце въ царствіи Отца ихъ. Сего ради помни смерть, судъ, чай отвѣта и воздаянія по дѣломъ и вѣруй несумѣнно, яко будетъ и будетъ <sup>3)</sup>.

16. Вѣроу во едину святую соборную и апостольскую Церковь и все упованіе возлагаю на Главу ея единаго Христа Бога. Церковь же быти исповѣдую собраніе вѣрныхъ православныхъ христіанъ, догматы ученія содержащихъ, якоже святіи апостоли предаша намъ и соборы <sup>4)</sup> святыхъ отецъ изъяснили и утвердили непреклонну и непоколебиму до скончанія вѣка. Аще и тварь измѣнится, вѣрныхъ же церкви и словеса и евангеліе никогда же <sup>5)</sup>.

(л. 7). 17. Вѣроу и исповѣдую, яко едина есть святая соборная Апостольская церковь обручницею Христовою есть, якоже святыи апостоль Павелъ глаголетъ: обручихъ васъ единому мужу дѣву чистую представить Хри-

Златоустъ, Дамаскинъ, Кириллъ Ерус. листъ 201. <sup>2)</sup> Квига Кирил. листъ 331, 332. <sup>3)</sup> Зри. <sup>4)</sup> Свят. отецъ соб. 1466. <sup>5)</sup> Матѣ. зач. 77.

стови, и яко церковь есть домъ отчій, едино тѣло и единъ духъ. Златоустъ (1695) <sup>1)</sup> паки: человекъ есть церковь духовная, ибо не стѣнь ради Христосъ умре, но храмовъ ради сихъ.

18. Вѣрую и исповѣдую святую церковь, собраніе вѣрныхъ божіихъ человекъ во имя Господа нашего Ісуса Христа, соединенныхъ во исповѣданіи правыя вѣры и апостольскомъ ученіи во всемъ мірѣ, якоже удовъ во единомъ тѣлѣ Христовѣ, подъ единою главою Господа нашего Ісуса Христа, и святыя Христовы евангельскія заповѣи и тричастный крестъ Христовъ, еже есть на главѣ церкви и на престолѣ и на просфирѣ, и за истинное сложеніе дву перстѣ въ знаменіи крестнаго воображенія.

19. Вѣрую и исповѣдую быть въ святѣй церкви духовное правительство, священныи чинъ и иноческій въ епископахъ и пресвитерахъ, пріемшихъ власть отъ Христа вязати и рѣшити грѣхи именемъ Господнимъ и прочая тайнодѣйствія совершати и люди учити пути спасенному. И непорочный символъ православный и трисвятую аггельскую пѣснь аллилуію, и святую божественую литургію по старымъ служебникомъ, и вся святыя православныя книги прежнихъ царей, и всего христіанскаго жительствова и обычая хранители кромѣ всякія еретическія скверны и порока <sup>2)</sup>).

20. Все же еретицы и отступницы раскололюбныи сопротивно мыслящи святымъ всея вселенныя седми соборомъ и святыя соборныя церкви непріобщенны, да будутъ прокляты; отрицаю бо ся ихъ и заповѣдей ихъ и иже изволитъ съ ними, и всего зповѣданія еретическаго отступаю всѣмъ сердцемъ и всею душею. И самосмышленнаго и суетвѣрнаго новопревращеннаго, безчиннаго, неправаго мудрования никако же ни пріемлю, ни самъ держу, ни инымъ сему не совѣтую. Иже не креститъ двѣма перстома, яко Христосъ, да будетъ проклятъ, и иже не исповѣдуетъ безскверныя жертвы суца тѣлеси Господа нашего Ісуса Христа, да будетъ проклятъ; въ недѣлю 1 поста евангеліе <sup>3)</sup>).

21. Со всякимъ достовѣрнымъ свидѣтельствомъ смотрѣнію истинному послѣдуемъ, ничтоже прилагаемъ, ничтоже отъелемъ, вся преданныя догматы святыя церкви невредно и непремѣнно — чинъ и уставъ святыхъ отецъ соблюдаемъ и сохраняемъ и вѣруемъ православно и благочестно держимъ евангельскую истинну и апостольскую проповѣдь, и послѣдуемъ непрелестнымъ учителемъ церковнымъ освященнымъ отцемъ. А кто мнитъ насъ зловѣрно или неправо, и тѣмъ буди Богъ праведный судія, и съ тѣми, иже клеветуютъ на насъ и облыгаютъ напрасно ей-ей. Аминь.

(об.) О познаніи вѣры, и церкви, и догматовъ

<sup>1)</sup> Листъ 437. <sup>2)</sup> Зри. <sup>3)</sup> Потреб. больш. листъ.

церковныхъ, и колико тайнъ изобрѣтается во обитательныхъ наставникахъ и учителяхъ самочинныхъ, кварныхъ разногласникахъ Θεодосіевыхъ <sup>1)</sup> 7244 (1736) августа 19.

1. Отъ Новаго Завѣта. Благий человекъ отъ благаго сокровища сердца своего износитъ благое, и злый человекъ отъ злаго сокровища сердца своего износитъ злая <sup>2)</sup>. Подобнѣ: отъ овощія доброе или злое древо познано будетъ. Всяко же, нетворящее плода добра, посякается и во огонь вмѣтается <sup>3)</sup>. Тако и отъ добрыя птицы добрыя пѣсни и добрый плодъ, подобие злыя птицы <sup>4)</sup>. Проста речемъ: зло есть яйце, не всякъ-же познаеть его отъ скорлупы, но отъ того, еже подъ скорлупою, добрѣ уразумѣтъ <sup>5)</sup>. Еще хожемъ мы разсмотрити на письмѣ честность вашу.

2. О церкви Христовѣ болѣзную душею и сердцемъ, о церковныхъ догматѣхъ побораемъ, о благочестіи ревностію распалюемъ <sup>6)</sup>, зане слышимъ и видимъ явно и неявленно бисеры церковныя отъ свиней попираемы <sup>7)</sup>, и звѣзды небесныя хоботомъ зминнымъ на землю отторгаемы <sup>8)</sup>, и виноградъ, десницею Божіею насажденный, отъ дивныхъ вепрей озобанный и разхищаемый и попираемый отъ всѣхъ мимоходящихъ путемъ.

3. Еще же наипаче болѣзную душею и сердцемъ, еже присно ратуютъ и воюютъ на церковь Христову, и на священство, и на христіанъ, воинство антихристово и разколлобныя лжеучители и преблзнительи <sup>9)</sup>, якоже беззаконніи оныи старцы наводяще порокъ на цѣломудренную Сусанну и зѣло огорчавають, еще же и разстерзавають раздратели ризы Христовы церковное соединеніе и догматы правляя уничтожевають.

4. Нынѣ гордый Аманъ вознесся, Есфирь же со всѣмъ племенемъ своимъ смущается и бѣдствуетъ <sup>10)</sup>. Си есть церковь Христова бѣдствуетъ и страждетъ отъ змія и отъ горькія воды его смертоносныя <sup>11)</sup>. И по грѣхомъ нерадѣнія нашего великъ пламень злохитренныхъ и многоглавныхъ ересей разгорѣся. И отъ сего мнози легкомысленніи отъ правовѣрія въ зловѣріе уклонишася <sup>12)</sup>; нѣщии и не вѣдятъ, въ чемъ православніи отъ отступльшихъ разступуютъ и сообщаются съ ними во всемъ.

5. О семъ молимъ и просимъ благородіе и честность вашу, аще вы есте истинніи благочестію рачители, право-

<sup>1)</sup> 7244—1736 Августъ 19 — выноска на полъ. <sup>2)</sup> Евангеліе Луки 6.

<sup>3)</sup> Книга о Вѣрѣ. Гл. 23. <sup>4)</sup> Аще убо и мудрый отъ вещи вину познаеть.

<sup>5)</sup> Прелестъ діавола ликуеть. <sup>6)</sup> Единъ Господь, едина вѣра, едина церковь.

<sup>7)</sup> Пастыри и учителя. <sup>8)</sup> За которой змій гонить и воду изливаютьъ. <sup>10)</sup> Бесѣд. Идѣжъ нѣсть согласія, тамо бѣда въ послѣднихъ есть. Листъ 1898.

<sup>11)</sup> Есфирь. 7, 8. <sup>12)</sup> Святыи Златоустъ въ бесѣд. Уды въ церкви кто угрызаетъ 2126.



славію наставницы, вѣры Христовы учителя и апостольскимъ преданіямъ хранители (л. 8), богословцемъ поборники, непоколебиміи защитники церкви Христовы и утверженіе догматомъ, и просвѣтителіи міру, и провозвѣстители пути спасенному, и учителя, и пастыри овцамъ заблуждшимъ, волкомъ отгнатели и ересей обличители и искоренители, о корабля церкви Христовы окормители и управители <sup>1)</sup>.

6. О познаніи благочестія правой вѣры и о церкви Христовѣ, и колики тайнъ обрѣтается, и которые догматы церковныя и святыня имѣется въ васъ <sup>2)</sup>. И како мудрствуете о причистыхъ тайнахъ, и о священствѣ, и что есть христіанинъ, и откуда вѣреть <sup>3)</sup>. И что еретицы и отступницы и расколочубцы, и что есть ереси и раздоры, и что воинство антихристово, разоряющее церковь Христову. О всемъ, подобно сему нашему извѣщенію, объявите намъ на письмѣ во увѣреніе.

7. Всѣхъ же молю, о, прелюбезніи мои, елико васъ свѣта чада и сынове евангелія Христова и святыя Церкви богособранная чета <sup>4)</sup> и вси благочестивіи, кратцѣ и братолюбнѣ послушать молю и судите праведно, яко судъ Божій есть <sup>5)</sup>; судите и разсуждайте посреди братомъ и пришельцемъ, посреди освященныхъ и неосвященныхъ и разсмотрите, кто вѣрній и лжеучители и кто тайные тати и волки <sup>6)</sup>. Засимъ пойдемъ до вопросовъ.

7234 (1726) г. Списокъ съ письма <sup>7)</sup>, кое <sup>8)</sup> дано Игнатію Трофимову и крестникамъ его <sup>9)</sup>. Катихизиса большаго глава 1. Понеже вся наша мудрость христіанская всѣмъ предлежитъ, еже Господа Бога намъ знати и самѣхъ себѣ, сего ради азъ странный имени ради Христова многогрѣшнѣйшій I. Ма. А.

Вопросъ 1. Благородіе и честность вашу увѣдать о чинѣ вашемъ хочу. Повѣждь ми о себѣ и покажи на письмѣ, кто еси ты, откуда, отъ коей страны и коего града, коей обители, и какова чину—духовнаго или мірскаго, и како по чину себе именованъ нарицаеши.

Вопросъ 2. Видимъ образъ вашъ христіанскаго подобія и о чину твоёмъ хочу увѣдати, наставникъ ли еси, или учитель, или духовникъ, или проповѣдникъ, которой вѣры и коего закона, коей церкви; кои догматы церковныя имѣеши. Повѣждь и объяви на письмѣ.

Вопросъ 3. Гдѣ и отъ кого посвященъ и каковъ чинъ имѣеши священнаго церковнаго преданія: пастырь-ли, или

<sup>1)</sup> Христосъ изгнанъ, тайна поправа бысть. <sup>2)</sup> Мате. 96. Горе вамъ, книжницы, фарисеи, подобится гробомъ повапленнымъ полны костей мертвыхъ. <sup>3)</sup> Все-ли тайны употребляете или ни. <sup>4)</sup> И нѣсть ли въ васъ каковыя лжи или неправды. <sup>5)</sup> Священноиноки, иноки, отцы и братія. <sup>6)</sup> 2 законъ Быт. Мовс. <sup>7)</sup> Горе міру отъ соблазнъ. Мате. 18. <sup>8)</sup> Обитель. <sup>9).....10)</sup> *Выноска на полъ.*

игумень, или строитель, или вождь, или стражъ, или наемникъ? Слышимъ мы, что ѣздишь ты, и учишь, и 2-е крестишь, и покаеваеши, и прощаеши, и разрѣшаеши, якоже и попъ, и по всѣмъ градомъ и странамъ людей управляешь.

Вопросъ 4. Духовныя дѣла творить, и мірянъ управлять, дома очищать, и крещать, и покаивать, прощать и разрѣшать отъ которыхъ властей благословенъ или отъ своихъ большаковъ избранъ? И коимъ чиномъ нареченъ чтобъ духовныя дѣла управлять и прекрещивать? И которая есть въ васъ святыня? Объяви на письмѣ.

(об.) Вопросъ 5. Есть-ли въ собраніи вашемъ святая Христова церковь, яко корабль и тихое пристанище? И кто большимъ во обители вашей въ духовномъ чину епископъ, или попъ, или діаконъ, или инокъ, или чтець, или канархистъ, или пѣвецъ, или понамарь, или уставщикъ, или трапезникъ, или будильщикъ, или просвирякъ. Кто у васъ церковныя тайны управляетъ и души освящаетъ?

Вопросъ 6. Зѣло хочется намъ увѣдать, каковъ чинъ имѣется о тебѣ и какъ себѣ нарицаеши: премудрый, или книжникъ, или философъ, или софистъ, или риторъ, или сказатель, или законоучитель, или книгоносець, или депутатъ? Како нареку ты по чину вашему? Повѣждь намъ и яви на письмѣ.

Вопросъ 7. Знаемъ ты и видѣли тебя трижъ, и чину своего намъ не являеши, что ты есть въ послушныхъ своихъ, глава-ли у нихъ, или око, или рука, или нога, или отецъ, или братъ, или другъ, или клеветъ, или избранникъ, или рабъ, или послушникъ. Которымъ чиномъ дѣйствуеши и дома ихъ очищаеши?

Вопросъ 8. И како ты нарицають послушницы твои, и кресники твои и которыхъ исповѣдаешь: большакомъ-ли или отцомъ, или крестителемъ, или духовникомъ, или братомъ, или христіаниномъ? И что есть христіанинъ? И како вѣренъ евангелію Христову и прочимъ святымъ книгамъ? Како въ вѣрѣ правой и въ законѣ Христовѣ стоишь? Яви намъ и покажи на письмѣ.

Вопросъ 9. И аще ты есть у нихъ истинный пастырь, или наставникъ, или учитель, или вождь, или свѣтильникъ, или путеводець, или дверникъ, или ключарь, или купецъ, или гостинникъ, или дѣлатель, или строитель, или стражъ, или пастухъ, или попрошайка? Которымъ чиномъ дѣйствуеши святыя церковныя тайны чимъ освящается.

Вопросъ 10. Како нарицаешися по чину въ дѣйствѣ у ряду своего и что въ послушныхъ своихъ являешися полководцемъ: воевода, или судія, или властитель, или чиститель, или отецъ братіи, Богонудитель, міру молитвеникъ, подражатель Господень, апостольскій подобникъ, или кормникъ, или чистая баня, или источникъ, или свѣтильникъ, или послухъ истинный въ покаяніи предъ праведнымъ судією? Кимъ чиномъ прощаеши и разрѣшаеши? Яви намъ.

Вопросъ 11. Люди Божія учишь, отъ ереси обращаешь, и прекрещеваешь, и неданный чинъ духовный восхищаешь кою властію? И кто ти повелѣ? Коего дверію или дирою вшелъ въ церковь христіанскую? Како сотворися вѣренъ? Кто тя вѣрно сотвори? Кто-ли свята? Кто-ли тя благослови и учителя поставилъ? О семъ яви намъ и увѣри.

Вопросъ 12. Мнози мнятъ вѣровать, но неправо, и мнози учителя изыдоша въ міръ. И откуда имамы познати васъ вѣрны? Которымъ учителемъ и наставникомъ послѣдуеши. Въ которую обитель пришелъ еси и которымъ наставникомъ пріять? Которымъ чиномъ справили тя и по коимъ правиломъ (н. 9). святыхъ апостолъ и святыхъ отецъ или по збывшимся образомъ? И которыя ереси проклиналъ? О семъ яви: лѣпо-ли быть духовному безъ духа и освящаетъ ли ся отъ неосвященныхъ.

Вопросъ 13. Нашъ церковный благочестивый священныи чины и догматы Никонъ патріархъ нарушилъ, крестъ Христовъ отъ Агнца разлучилъ, наставники и учителя ваши, имущіи образъ благочестія, силы-же его отвергшеса, Бога исповѣдуютъ вѣдѣти, а дѣлы отменются его. И о семъ яви намъ, почто причистыя тайны и священства, хлѣбъ богородиченъ, и доры, и просфиры, и святія воды, и прочіихъ святынь не имѣютъ. Кто ихъ лишилъ таковыя благодати или кто ограбилъ? О семъ яви намъ <sup>1)</sup>).

Вопросъ 14. Онъ, Никонъ, патріархъ поставленъ своими Русскими митрополиты и епископы, всѣмъ священнымъ соборомъ въ лѣто 7160-го іюля 25, а въ лѣто 7161 и 162 измѣни святый чинъ, и благолѣпоту святыя церкви ограбилъ, и книги премѣнилъ, и страхомъ и мученіемъ народъ устрашилъ и въ новизну преклонилъ. Обитетельныя большаки и учителя ваши <sup>2)</sup>, кои были въ Новѣгородѣ, во Псковѣ, въ Копорье, на Ухорѣ, въ Хижахъ, на Деревѣ: Яковъ Сухій, Илья Яковлевъ, Родіонъ Марковъ, Данило Артемьевъ, Прохоръ Губатый, Иванъ Москвитинъ, Григорій Белохинъ, Терентій Михайловъ, Алексій Славянинъ, Максимъ Андріевъ <sup>3)</sup>, отъ нихъ възпрягнулъ Ѳеодосій Васильевъ главнѣйшій учитель, Терентій Васильевъ, Иванъ Бедра и прочіе. Явите намъ, едино-ли были въ нихъ мудрованіе и согласіе со святою церковію <sup>4)</sup>. Чесо ради они церковь духовную, души христіанскіе ограбили и святыхъ тайнъ и священства лишили. Яви намъ.

Вопросъ 15. Почто, о блази, или что пострадаете? Остависте Христову овчарню Восточную святую церковь, въ ней-же возсіяваетъ и препочиваетъ солнце правды Христовъ, отнюду же вселенную просвѣти <sup>5)</sup>. Почто убо, дворъ сей добраго пастыря оставльше, въ соборище неосвященныхъ лже-

<sup>1)</sup> 2 Тимое. гл. 3. Тит. зач. 301. <sup>2)</sup> Колико ихъ числомъ мужъ и женъ.

<sup>3)</sup> Колико было у нихъ страпухъ. <sup>4)</sup> Была-ли въ нихъ которая святыня-

<sup>5)</sup> Послание Мелетеево 4, листъ 453.

учителей и преблзнительей самочинцовъ вскочпсте? Кая знаменія и кая чудеса видѣсте? Которыя святыни отъ неосвященныхъ получите. Явите намъ таковыя прелести.

Вопросъ 16. Рцы намъ, о раскололюбче, что убо видяше? Отъ святыхъ отецъ, и святыхъ апостолъ, и отъ самого Спаса Христа пречистыхъ тайнъ отбѣгосте, священнаго чина и матери своя любимыя святыя церкви отлучитесь и преблзнителемъ неосвященнымъ повѣрили, кои по свиткамъ и цвѣтникомъ лицовымъ учили о кончинѣ міра и о антихристѣ. И о семъ явите намъ, что во ученіи ихъ не явилось ли неправды или коея лжи.

Вопросъ 17. Твердо-ли стоите и вѣрите тайнымъ татемъ и скрытымъ волкомъ, которые похищаютъ и украдаютъ души христіянскія, убиваютъ и уморяютъ вѣчною смертію удаленія ради пречистыхъ тайнъ и священства. И о семъ явите намъ, дѣйственно-ли ихъ прекрещаванье трепогруженныхъ, и прежь молитвы на крещеніи говорили, масломъ помазовали, кадиломъ кадили, молебны, проводы, понахиды, отпѣвали, вербу освящали, Христовъ день со кресты вокругъ хижы ходили и на листу 8-цу (об.) корпѣли молитвы священническія, якоже попъ читалъ, родильницамъ молитвы давалъ, домы очищаль, поповъ старцовъ розстригалъ, браки разводилъ, женитьбу запрещалъ: не женись, замужъ не ходи, на исповѣди прощаль и разрѣшалъ. И о семъ явите намъ, пріято-ли церквію дѣйство неосвященныхъ, право-ли или ни, и есть-ли гдѣ пореченно или ни.

Вопросъ 18. Самочинцовъ самовластныхъ, самозаконныхъ, самолюбныхъ, сластолюбныхъ, раскололюбныхъ, любоначальныхъ, тцеславныхъ лжеучителей, богопротивныхъ развратниковъ и преблзнительей, священнаго чина попрателей, и разводителей, и розстригателей, тайныхъ татей и сокровенныхъ волковъ и хищниковъ, и сводителей, и прекрещевателей, купно всѣхъ, и духовниковъ, и большаковъ, и наставниковъ, явите намъ на письмѣ: откуда они взялися, како вошли въ собраніе ваше, коими дверьми, кто благословилъ и поставилъ и духовное дѣло творить повелѣлъ, и которая есть въ нихъ святыня.

Вопросъ 19. Увѣдомите насъ и о семъ: аще истинніи прежніи ваши пастыри и учителя были въ правовѣрїи до Никонова отступленья или уже явилися по раздорѣ, и въ которая лѣта собраніе ихъ: по святыхъ-ли отецъ преданію? И которые святїи отцы такимъ житіемъ спасалися, чтобы поповъ и святыхъ церковныхъ не было? И коей ради вины не имѣете нынѣ у себѣ церковныя святыня? Откуда явилися вѣрны по дѣламъ вашимъ? Како нарицаетея и почему христіяне? И которые были прежь таковымъ житіемъ. Явите намъ.

Вопросъ 20. Отъ нарушенія и примѣненія Никономъ вѣры святыхъ и церковныхъ догматовъ есть-ли которая святыня

въ церкви отъ святыхъ иконъ и отъ чудотворныхъ мощей? Вся-ли видимую церковь нарушилъ и ограбилъ и во всей-ли Россіи святую церковь и вѣру истребилъ <sup>1)</sup>? Есть-ли гдѣ, кромѣ васъ у вѣрныхъ христіанъ глава церкви Христосъ и пречистыя тайны, и священство и прочія тайны и святыня или ни? Како-жъ вы нарицаетесь вѣрныи Христу и како въ васъ нѣдѣи блядутъ: нѣтъ на земли ни священства, ни приношенія Христовыхъ тайнъ? И о семъ явите намъ отъ святыхъ писаній <sup>2)</sup>. Како отсѣчеса своего тѣла глава Христосъ? Како отженеса своя церковь Христосъ, за нюже на крестѣ умре? Како отлучиса женихъ любимая своя невѣсты? Гдѣ-же залетѣла и гонимая его невѣста святая церковь? Въ коей странѣ обитаеть?

И аще намъ дашь добръ вѣдати о сихъ 20 вопросахъ, явиши на письмѣ, то мы будемъ съ тобою бесѣдовать и вопрошать о вѣрѣ святыя, о церкви, о догматахъ, о учителяхъ вашихъ и о согласіи со святыми отцы.

Глава 1. Святой апостоль Петръ: готови будете ко отвѣту противъ всякому вопрошающему отъ васъ слова о вашемъ упованіи; не іереомъ точію, но и простымъ сія завѣщанно есть. О семъ Златоустъ пишетъ. Книга о священствѣ, глава 6, листъ 102.

(л. 10). Бесѣда 1. О познаніи святыя вѣры и церкви. Велика есть нужда намъ вопрошать и увѣдати въ васъ о вѣрѣ святой и о церкви Христовѣ, о пречистыхъ тайнахъ и о священствѣ и о прочихъ догматахъ церковныхъ <sup>3)</sup>; и о законѣ самочинныхъ и неосвященныхъ учителей, како мудрствуютъ и согласуютъ со святою церковію и со святыми отцы и богословцы, учителя церковными <sup>4)</sup>. И аще вопрошу ты, коея еси вѣры, и что речеши о семъ? Яви и напиши, чтобъ вѣдомо прочимъ отъ святыхъ писаній.

Вопросъ 1. Глава 1. Что есть вѣра? Что есть преданіе вѣры? Колико есть вѣры преданіе? Что есть догматы вѣры и преданіе вѣры? Обае сіе едино ли есть и обрѣтаются нынѣ въ собраніи вашемъ? Яви намъ отъ святыхъ писаній <sup>5)</sup>.

Глава 2. Вѣра правая откуда есть? Чесо ради нарицаемъ православную вѣру христіанскую и како въ ней вѣрну подобаеть быть? <sup>6)</sup> Святъ и вѣренъ почто нарицаешися? Кто тебе сотвори свята? Кто ли вѣрна? Кто ли Сына Божія? Чимъ приобщился еси Христу? Чимъ освятился? Которую имѣеши святыню и чимъ и отъ кого просвѣтился? <sup>7)</sup>. Чему вѣренъ и кое святое Писаніе утверждаетъ вѣру вашу? Яви

---

<sup>1)</sup> Церковь единъ чинъ и уставъ дер. жить до скончанія вѣка. <sup>2)</sup> Аще-ли вѣрныи нарицаются христіане. <sup>3)</sup> Добрый плодъ отъ древа добраго рождется. <sup>4)</sup> Свята вѣтвь отъ корени святаго прозябаеть. Декабря 31 день. <sup>5)</sup> Покажи свидѣтельство, аще есть въ васъ правая вѣра. <sup>6)</sup> Бесѣды листъ 2031. <sup>7)</sup> Которые книги утверждаютъ вашу вѣру и ученіе.

намъ о семь. Вѣра безъ дѣлъ мертва есть, глаголетъ апостоль Іаковъ.

Глава 3. Благородіе ваше просимъ, явите намъ, аще истинни и правовѣрни учителя, и апостольскимъ преданіемъ хранители, и церкви Христовы защитники, и богословцемъ поборницы, тую ли вѣру святыхъ отецъ имѣете, о которой пишетъ Евангеліе Толковое листъ 44 и апостоль <sup>1)</sup> ко Ефесеемъ глава 4, въ Книги о Вѣрѣ листъ 8, Книга Кирилла листъ 30, Катихисъ большой гл. 4, Катихисъ Малый. Явите намъ не на словахъ, но на писаніи и на дѣлѣ, тое ли святую вѣру и преданіе держать непремѣнно и церковныя тайны учителя ваши.

Глава 4. Вѣру православную, святое крещеніе епископы и ереи, иноки, и книги, и весь чинъ церковный, въ Россію отъ Царя-Града пріять князь Владимиръ, и о томъ свидѣтельствуесть книга Кормчая листъ 9 <sup>2)</sup> и степень 4, глава 33, листъ 36 <sup>3)</sup>, и Книга о Вѣрѣ; и содержали въ Россіи 7-сотъ лѣтъ, до лѣтъ Никона патріарха, яко солнце сіяло. И о семь явите намъ: право ли содержали или ни? И которое благочестіе нынѣ обрѣтается у васъ? Которыя тайны? И гдѣ священный и иноческій чинъ и церковныя догматы? Кто у васъ порушилъ? Како не стало? Кто ограбилъ? Почемъ познати васъ вѣрныхъ?

Глава 5. Господь Господемъ есть и царь царемъ и сущіи съ нимъ званіи и избраніи и вѣрніи Господь въ Церкви святѣй своей. Егда при царѣ Иванѣ Васильевичѣ и при митрополитѣ Макаріи соборъ былъ на Москвѣ <sup>4)</sup>, чинъ и уставъ и преданіе святыя церкви утвердиша. Право ли то (об.) содержали <sup>5)</sup> ѿ патріарховъ, до Никона патріарха, до лѣта 7162-го, отъ тѣхъ лѣтъ нарушилъ и премѣнилъ вѣру и преданіе церковное, святыхъ отецъ чинъ и уставъ. И о семь явите намъ: всю ли святую вѣру нарушилъ въ Россіи и церкви вѣрныхъ христіанъ ограбилъ? И есть ли гдѣ у христіанъ благочестіе или точію у васъ мало осталось <sup>6)</sup>.

Глава 6. Во святой соборной церкви въ Россіи прежь 7 тайнъ церковныхъ: святое крещеніе, миропомазаніе, пречистыя тайны тѣло и кровь Христова, и священство, покаяніе, и бракъ законный, и елеосвященное помазаніе. Сущія ли святыя тайны и вся ли православно дѣйствуемы по старымъ книгамъ <sup>7)</sup>? Аще ли и нынѣ есть гдѣ совершаются, вѣрны ли вы о семь. Сихъ тайнъ аще кто по чину святой соборной апостольской церкви не употребляетъ, но пренебрегаетъ я, той безъ нихъ, яко безъ извѣстныхъ посредствъ, онаго крайняго блаженства сподобитися не можетъ <sup>8)</sup>. Како нынѣ у васъ совершаются тайны сія <sup>9)</sup>? Аще ли вы вѣрны,

<sup>1)</sup> Ко Евреомъ 11. <sup>2-3)</sup> Выноска на полъ. <sup>4)</sup> Въ лѣто 7059. <sup>5)</sup> О 7 тайнахъ. <sup>6)</sup> Зри. <sup>7)</sup> Зри. Явите намъ о семь. <sup>8)</sup> Катихисъ Больш., листъ 347. <sup>9)</sup> Зри паки, увѣрися.

явите намъ. И како у васъ не стало священства? Како та свѣща неугасимая угасла? Како солнце свѣтлое закатилось? Явите намъ.

Глава 7. О крещеніи и о прочихъ тайнахъ. Богъ вседержитель, не хотя презрѣть созданія рукъ своихъ, еже по образу и по подобію сотвори, даде созданію своему вторымъ рожествомъ святымъ крещеніемъ родиться и питаться, пищею и питіемъ новымъ, тѣломъ и кровію своею святою, предложенною въ брашно хлѣба и вина, и устави священство и прочіи тайны <sup>1)</sup>. И якоже Самъ не умираетъ, тако и іерейство Его по чину Мелхиседекову не престааетъ <sup>2)</sup>. Книга о 7 Тайнахъ: Священство есть яко душа въ тѣлѣ, и яко солнце есть по всей земли <sup>3)</sup>. И о семъ явите, о великихъ тайнахъ сихъ. Како безъ крещенія, и безъ причащенія, и безъ священства можетъ человекъ спасенъ быть <sup>4)</sup>? Како безъ души человекъ можетъ живъ быть? Како ли безъ солнца? Како ли вѣрнымъ христіаномъ быть безъ святыни Христовы и безъ священства? Мочно ли сподобитись кромѣ сихъ живота вѣчнаго? Отъ кого имате получить? Како у васъ не стало? Кто васъ ограбилъ?

Глава 8. Богъ есть Творецъ и Отецъ всѣмъ. Мати есть наша святая Церковь. Та родить сыны своя святымъ крещеніемъ и сосцами своими питаетъ нелестнымъ млекою—словомъ Божіимъ, ветхимъ завѣтомъ и новымъ закономъ, евангеліемъ и апостольскою проповѣдью, и пречистыми Христовы плоти и крови тайнами животворить, и грѣхи очищаетъ, и животъ вѣчный даруетъ, яко безъ причастія истинныя святыни спастися невозможно <sup>5)</sup>. И о семъ, аще есть вѣрныи отпущада и матери своей, како отъ нея родившеся и воспитавшеся, и како вѣрны въ дому своемъ бысте, како отца своего и матери разлучистеся, како и когда не стало ихъ у васъ <sup>6)</sup>? Помнятъ родители своя любезная чада. Колико есть богатства осталось отца у матери вашей? И чимъ васъ, чады своихъ, надѣлилъ и кто васъ лишилъ?

Глава 9. Какова и колика бѣ церковь въ первобытіи вѣры, въ лѣта апостольская, и потомъ въ лютая и гони (л. 11) тельная времена <sup>7)</sup>? Како прежніи христіане церковный священный чинъ хранили и святыя тайны Христовы имѣли при себѣ и безъ того не умирали. И о семъ явите, гдѣ у нихъ святіи церкви были? Како священной чинъ ставили? Како они служили? Како крестились? Како святыя тайны хранили? Како тайнъ церковныхъ не отлучались покаянія, и браку, и прочихъ святынь доры просфиръ? Како вы нарицаетесь вѣрныи избранники? Како евангелію Христову вѣрны <sup>8)</sup>? Како святымъ тайнамъ, и священству, и церкви Хри-

<sup>1)</sup> Книга Кириллова листъ 199, гл. 17. <sup>2)</sup> Кириллъ, листъ 76. <sup>3)</sup> Свят. отецъ тол. <sup>4)</sup> О семъ увѣрите насъ писаніемъ. <sup>5)</sup> Вѣра. Глава, 58, листъ 248. <sup>6)</sup> И о семъ явите и увѣрите насъ. <sup>7)</sup> Чрезъ 300 лѣтъ. <sup>8)</sup> О семъ явите намъ на письмѣ.

стовѣ быть ли до скончанія вѣка или ни? И о семъ покажи отъ святаго писанія.

Глава 10. Откуда имамъ познати въ васъ истинную Христову вѣру и святую соборную церковь? И како васъ неосвященныхъ самочинныхъ <sup>1)</sup> учителей, вѣрныхъ въ такомъ подобествѣ мѣшаніи и по чину вашему и по дѣломъ <sup>2)</sup>? Имѣтельныя гдѣ въ васъ святая Христова церковь, мати любимая, пристанище тихое? Отъ кого родитися водою и духомъ? Откуда напитатись имамъ пищею, чтобъ душа была во-вѣки, якоже Христосъ Спаситель рече <sup>3)</sup>? Кто въ васъ благословляетъ, и прощаетъ, и разрѣшаетъ? И освящаются ли благодатию Святаго Духа отъ неосвященныхъ самочинцовъ <sup>4)</sup>, которые творятъ новопросвѣщенна и непросвѣщенна, божественна и безбожна? Друзіи же глаголють еретическое крещеніе нѣсть крещеніе, но паче оскверненіе. Гдѣ же истинное? Явите намъ.

Глава 11. Откуда и како познати истинную Христову церковь въ такомъ подобествѣ мѣшаній, а церковь собраніе вѣрныхъ, не стѣны и покровъ, но вѣра и житіе <sup>5)</sup>, ибо въ церквахъ христіанскихъ два свята мѣста во олтари имать жертвенникъ и престолъ на приношеніе и освященіе <sup>6)</sup> ибо и еретицы въ раззодраніи подобна церквы имуть и священный чинъ: епископы, и попы и прочіе клирики, и крещеніе у нихъ и сватыни, но неправо суть. Какожь можемъ познати въ васъ, нарицаетесь вѣрніи, Христову церковь? Въ коихъ вещѣхъ состоится и содержится <sup>7)</sup>? Како въ ней и въ коемъ чину стоишь, и которые тайны содержишь, и которая есть сватыня церковная и чимъ освящается?

Глава 12. Како исповѣдуете символъ православный во едину святую соборную апостольскую церковь и которые тайны церковныя содержите, и духовный чинъ и благолѣпоту церковную <sup>8)</sup>? Что есть основаніе церкви? Чювственное ли или духовное, и колико крѣпка есть? Что есть церкви утверженіе и украшеніе <sup>9)</sup>? И что ино украшаетъ поднебесную, солнце ли или чинъ церковный? Той бо содержитъ небесная и земная. Которое основаніе имать и утверженіе и украшеніе <sup>10)</sup> неосвященная и самочинная разкололюбная ваша сонмища? И было ли до премѣненія вѣры таковой чинъ и законъ или ни?

Глава 13. Который духовный чинъ священный почитаете и тайны церковныя употребляете, и благолѣпоту церковную, сватыя книги, уставъ и службу у себя содержите <sup>11)</sup>? По Никоновомъ возмущеніи и по развращеніи и премѣненіи

<sup>1)</sup> Вмѣнить. <sup>2)</sup> О семъ намъ явите и увѣрите. <sup>3)</sup> Еванг. Іоанна. <sup>4)</sup> Григорій Богословъ. Книга листъ. <sup>5)</sup> Златоустъ. Маргаритъ. <sup>6)</sup> Кирилль. Знамя. <sup>7)</sup> Второе подобіе пишетъ сіе книга Катихисъ Большой. <sup>8)</sup> Явите намъ, что есть церковь ваша. <sup>9)</sup> Явите намъ во увѣреніе. <sup>10)</sup> Духовное ли украшеніе? <sup>11)</sup> И что есть видимое, явите. <sup>11)</sup> Которые церковныя сватыни?



вѣры не премѣнено ли что въ церкви вашей? Како исповѣдуете и которые догматы во освященіе и во оправданіе предъ Богомъ коварная вапа сонмища имѣеть <sup>1)</sup>? Како и чимъ освящается? (об.). Которой святыни сподобляетесь, чимъ обновляетесь, отъ ереси очищаетесь <sup>2)</sup>? Почто пречистыя тайны священства, доры, хлѣба богородична просфиръ и святыя воды и прочія святыне не имѣютъ <sup>3)</sup>? Чесо ради они самогритители ваши учителя церковь духовную души христіанскія ограбили и святынь лишили?

Глава 14. Есть ли во увѣреніе вамъ сіе, что церковь образъ есть небесна и земна <sup>4)</sup>: якоже суть на небеси аггельскихъ 9 чиновъ, по 3 чина содержать, первый ликъ серафимы, херувимы, престолы, 2 ликъ господства, силы, власти, 3 ликъ начальства, архаггели, аггели; сиде въ церкви состоится, земная по небесному: 1 чинъ въ церкви патріархи митрополити, епископи, 2 чинъ священноіереи, діакони, и поддіакони, и пѣвцы, 3 чинъ священноигумены, черноризцы, благочестивіи христіане. И человекъ есть вторый малый свѣтъ. Горня часть небомъ, долняя-жъ есть земля <sup>5)</sup>. И свѣтъ и тьма, небо и земля, аггелъ и звѣрь, и живъ и мертвъ.

Глава 15. Во обители собранія вашего на Лыбовкѣ церковь устроена самочинцомъ учителемъ вашимъ Θεодосіемъ кое приуподобленіе имѣла и что въ ней было священныхъ чиновъ? <sup>6)</sup> Небесное ли, духовное или земное? Видима ограждена стѣнами, якоже церковь, былъ ли алтарь, и святыи престолъ, и трапеза и предложеніе хлѣбовъ, святое тѣло и кровь Христова во оправданіе, службы <sup>7)</sup>? Кто были священнаго чина служители? Было ли въ служеніи ихъ которая церковная святыня дора хлѣбъ Бога, просвира, на ней истинный крестъ Христовъ? Гдѣ и како его почитаете и когда употребляете? И вода святая и прочія тайны кто освѣщалъ у васъ и кто избранниковъ вашихъ души освящалъ и исповѣдалъ, и прощалъ, и разрѣшалъ, и погребалъ, и служилъ молебны, и вербу освящалъ, и со кресты ходилъ, и на листу корпѣлъ и молитвы священныи говорилъ, якоже и попъ <sup>8)</sup>, по святыхъ ли отецъ преданію и по чину?

Глава 16. О сѣни и скиніи Моусеовѣ въ древнѣмъ законѣ <sup>9)</sup>. Богъ повелѣ Моусею пророку да сотвори ему храмъ свидѣнія. Видждь, рече: да сотворишь по образу, показанному ти на горѣ Синайской <sup>10)</sup>. Скинія бо сооружена бысть на 3 предѣлы, въ долготу лакоть 30, ширину 10, и сотвори въ немъ алтарь <sup>11)</sup>, и свѣтильники, и кадильницу, и

<sup>1)</sup> Никопъ патріархъ лишилъ васъ. Явите намъ. <sup>2)</sup> Явите намъ о семъ отъ святыхъ писаній. <sup>3)</sup> Повѣждь и о семъ. <sup>4)</sup> Книга о 7 Тайнъ о церкви свят. отецъ. <sup>5)</sup> Зерцало Богословія и Шестидневецъ. <sup>6)</sup> Явите намъ о семъ и увѣрите. <sup>7)</sup> Аще есте истинни благочестивіи христіане. <sup>8)</sup> Которымъ чинамъ творилъ, коимъ подобіемъ? <sup>9)</sup> Зри. <sup>10)</sup> 2 Моис. 25, 26. <sup>11)</sup> Книга Палая, 2 Моис. 1.

трапезу для положенія хлѣбовъ, и ризы Аароновы и Левитомъ, и всякое украшеніе дому Господню <sup>1)</sup>: завѣсы и херувимы швенны и отъ злата чиста и сребра и повелѣ внести кивотъ завѣта Господня подъ крыль херувимовъ во святое святыхъ <sup>2)</sup>, въ немъже стамна злата имущъ манну и жезлъ Аароновъ прозябшій и скрижали завѣта <sup>3)</sup>. И предъ очима всѣхъ людей приѣмъ Моисей кровь козлию и тельчию и покропи весь храмъ, и книги, и всѣхъ людей, и помаза елеомъ сосуды храма и посвяти храмъ, и олтарь, и Аарона на священство брата своего <sup>4)</sup>; такожь и сыны его облече въ ризы и помаза, якоже отца имъ, и да жрутъ жертву мирну жреческу вѣкъ въ родъ ихъ. И сотвори Моисей тако (л. 12). Зри, разколочубный развратниче, аще въ ветсѣмъ завѣтѣ никтоже дерзну неосвященъ строити тайны, множае паче у насъ нынѣ въ благодати недостойтъ дерзати неосвященнымъ <sup>5)</sup>. Тогда-жь при Моисеи дерзнуша Коррей Дафанъ и Авиронъ кадить неосвященни чиномъ, и разгнѣвася на ня Господь, и погибоша съ ними 14000 и 700, иже живы земля пожре, и снідоша во адъ <sup>6)</sup>.

Глава 17. Есть ли боголюбна и вѣрна душа святымъ пророкомъ, который Духомъ Святымъ о святѣй церкви, о величествѣ и славѣ ея прозрѣша. Святыи пророкъ царь Давидъ о церкви рече: Господи, возлюбихъ благолѣпіе дому Твоего и мѣсто селенія славы Твоея! Свята церкви Твоя и дивна въ правду и паки, Господь, въ церкви святѣй Своей <sup>7)</sup>. О которой церкви пророкъ глаголетъ свята и дивна? О сѣни ли ветхаго закона или что въ новой благодати? Духовна ли или видимая, что глаголетъ: и да созиждутся стѣны Іерусалимскія <sup>8)</sup>? Котораго Іерусалима? И что стѣны? И что возложить на олтарь Твой тельца? О семъ разсмотрите и во увѣреніе явите всѣмъ вѣрнымъ.

Глава 18. О коей церкви, духовной, или видимой, или о души, глаголетъ премудрый Соломонъ <sup>9)</sup>: едина еси голубица моя, совершенная моя еси; и возжелѣеть Царь Небесный доброты твоя. Се еси добра ближняя моя, и порока нѣсть въ тебѣ <sup>10)</sup>. И что есть въ толкованіи? Коя есть едина голубица добра и совершенна? Церковь ли Христову рече Духа Святаго даромъ преукрашену и благодатию святыхъ тайнъ преисполнену? Или душа едина есть голубица совершенна святымъ крещеніемъ и преукрашенна пречистыми тѣломъ и крове Христовы тайнами освящена? Есть ли гдѣ голубица она нынѣ преукрашенна и преудобренна, и гдѣ она обрѣтается <sup>11)</sup>?

Глава 19. О которой духомъ провиде премудрый Соло-

<sup>1)</sup> Исходъ 40. <sup>2)</sup> Евреомъ, 312. <sup>3)</sup> 4 Мовс. 7. <sup>4)</sup> 3 Мовс. Левит., глава 8. <sup>5)</sup> Катихисъ Больш. <sup>6)</sup> Чисель 16. <sup>7)</sup> Царь и пророкъ Давидъ прежь рождества Христова 1030 лѣтъ. Псаломъ 25 и 65. <sup>8)</sup> Псаломъ 50. <sup>9)</sup> Пѣснь пѣс., глава 6. <sup>10)</sup> Глава 7. <sup>11)</sup> Явите намъ и о семъ, увѣрите.

монъ и рече: премудрость созда себѣ храмъ и утверди 7 столпъ <sup>1)</sup>, закла своя жертвенная и черпавъ чаши своей вино п уготова свою трапезу <sup>2)</sup>, и посла своя рабы созывающы съ высокимъ проповѣданіемъ глаголющи, иже есть безуменъ, да уклонится ко мнѣ и прочее. Здѣ явите, о которомъ храмъ премудрость глаголетъ. Что премудрость? Что храмъ? Что 7 столпъ? Что черпаніе и жертвенная? И что посланіе рабовъ? Объясните, когда созданъ той храмъ, колико нерушимъ стоялъ? Кто ли его разрушилъ? Или еще обрѣтается гдѣ цѣль или ни <sup>3)</sup>? Были ли вы въ томъ храмѣ или ни?

Глава 20. О которомъ святой пророкъ Исаи рече основаніи <sup>4)</sup>: Се азъ вложу во основанье Сіоне камень многоцѣненъ, краеуголенъ, избранъ, честенъ, и вѣруай въ онъ не постыдится. Святой пророкъ Захарія рече <sup>5)</sup>: зане камень, иже дахъ предъ лицемъ Исуса и на камени единомъ 7 очесъ суть, на камени единомъ Агнца Божія посреди престола 7 очесъ <sup>6)</sup> (об.). Здѣ явите, аще вѣрны есте пророкомъ Исаи и Захаріи, что знаменуетъ Сіонъ? Что камень многоцѣненъ, имѣяй 7 очесъ, о немъже святой Петръ Сей бысть, рече: во главу углу, камень претыканія и камень соблазны противящимся <sup>7)</sup>. И гдѣ имѣется той камень многоцѣнный нынѣ? Повѣждь нашъ, въ которомъ Сіонѣ.

Глава 21. Святой Захарій пророкъ видѣ се свѣтильникъ златъ весь, и 7 свѣтильникъ верху его, и 7 ячаицъ свѣтильникомъ его. Свѣщникъ златъ знаменуетъ святую церковь 7 соборовъ святыхъ отецъ 7 святильникъ, и 7 ячаицъ 7 тайнъ церковныхъ <sup>8)</sup>. И аще вѣрны есте видѣнію его, гдѣ обрѣтается нынѣ той златый свѣтильникъ? Еще ли свѣтитъ свѣтлыми свѣтильниками? Не вся ли изліяшася ячаицы его? И обрѣтають ли ся въ вашемъ собраніи, колико число <sup>9)</sup>,

Глава 22. Святой пророкъ Ездра умиленными словесы плачася глаголаше къ Вышнему <sup>10)</sup>: О, Владыко Господи, отъ всѣхъ дубравъ земскихъ и отъ всѣхъ древесъ избралъ еси виноградъ единъ, отъ всѣхъ земель избралъ еси себѣ удолие едино и отъ всѣхъ цвѣтовъ сельныхъ избралъ кринъ единъ, отъ всѣхъ безднъ морскихъ избралъ единъ себѣ источникъ, отъ всѣхъ градовъ и созиданій освятить еси Сіонъ, отъ свѣхъ сотворенныхъ именовалъ еси себѣ едину голубицу и отъ всѣхъ скотовъ провидѣ едину кроткую овцу; отъ всѣхъ умноженныхъ людей на земли избралъ люди едины, отъ всѣхъ единъ искушенный законъ заповѣдалъ имъ! И нынѣ, Господи, вскую предалъ еси единъ многимъ и уготовалъ еси на единъ корень многи ины, и разточилъ

1) Прич. Глава 9. 2) Толк. Кирил. листъ 79 и 302. 3) Явите и увѣрите святымъ писаніемъ. 4) Исаи 28. 5) Глава 3. 6) Апок. 12, Чти тол. 7) Глава 2. 8) Зри Ключъ Разумѣнія, толк., листъ 28. 9) Явите намъ и напишите яснѣе. 10) Книга 3 Ездры глава 5.

единъ виноградъ во мнозѣхъ, и потопташа его. И о семь яви намъ <sup>1)</sup>: о которыхъ пророкъ Ездра выше означенныхъ дубравъ, и древесъ, и виноградъ Господа молилъ. Еще ли Сионъ сіяетъ? Еще ли виноградъ и кринъ цвѣтуть? Еще ли голубица летаетъ? И еще ли овца отъ волковъ цѣла есть? Еще ли не изгнилъ единъ корень той, и которыхъ единыхъ себѣ оставилъ вѣрныхъ, и гдѣ обрѣтаются <sup>2)</sup>?

Глава 23. Благовѣстникъ евангеліе отъ Матѳея зач. 67. Рече Господь: ты еси Петръ и на семь каменіи созижду церковь Мою и врата ада не удолѣютъ ей, дамъ ти ключъ царства небеснаго <sup>3)</sup>. И воскресеніи Господь явился ученикомъ своимъ, даде имъ власть разрѣшати и отпушати грѣхи. Приимите, рече, Духъ Святъ, имже отпустите грѣхи, отпустятся имъ <sup>4)</sup>. Обношаше же сей ключъ не единъ Петръ, но и вси апостоли и по нихъ намѣстницы и возприемницы престоломъ ихъ, святители и епископи <sup>5)</sup>. Паки-жъ сіи оставиша и предаша со возложеніемъ рукъ презвитеромъ и всему священному чину. И таковой ключъ даже до скончанія вѣка не отимется отъ нихъ. Есть ли отъ Бога власть и повелѣніе неосвященнымъ? Имѣютъ ли ключъ царства небеснаго? Дѣйствуетъ ли благодать самочинцамъ <sup>6)</sup>? Како и коль крѣпка церковь ваша? Которое есть освященіе отъ неосвященныхъ и кака польза въ которыхъ тайнахъ?

(л. 13). Глава 24. Како вѣруете Сыну Божію и какъ послушаете святаго евангелія и вѣруете ли словесемъ Христовымъ, еже глаголетъ <sup>7)</sup>: „Азъ есмь свѣтъ миру. Азъ есмь пастырь добрый и знаю Моя, и знаютъ Мя Моя. Азъ есмь истинна и животь. Азъ есмь дверь, Мною аще кто внидетъ, спасется. Азъ есмь хлѣбъ животный. Азъ есмь лоза, вы-же рождіе. Азъ есмь путь истинный: ходяй по мнѣ, не имать ходити во тьмѣ <sup>8)</sup>“. Той рече: „Аминь, аминь глаголю тебѣ, аще кто не родится водою и духомъ, не можетъ внити въ царство небесное; и се Азъ есмь съ вами до скончанія вѣка. Аминь“. Како словеса Христова исполняются въ васъ дѣломъ и коимъ чиномъ? Которы тайны имѣются? Есть ли лѣпо быть духовному безъ Духа? Причащаютъ ли ся Духа нечествуяй Духа? Освящаютъ ли ся отъ неосвященныхъ благодатию Духа? <sup>9)</sup>.

Глава 25. О Тайной Вечери Господни. Како послушаете сладкаго гласа Сына Божія? Како вѣруете еже рече ученикамъ своимъ на тайной вечери <sup>10)</sup>: „Приимѣте, ядите; се есть тѣло Мое“. И приимъ чашу, благодаривъ, рече; „Пійте отъ нея вси; се есть кровь моя новаго завѣта за многи изли-

<sup>1)</sup> На письмѣ, яснѣйшее что есть тол. <sup>2)</sup> О церкви Христовѣ. <sup>3)</sup> Евангеліе тол. <sup>4)</sup> Іоан. зач. 61. <sup>5)</sup> Тол. поученіе на Петра и Павла. <sup>6)</sup> Явите намъ здѣ, которой ереси подлежатъ. <sup>7)</sup> Іоаннъ Евангелистъ. Зач. 29. <sup>8)</sup> Іоаннъ 3. <sup>9)</sup> И здѣ намъ явите на письмѣ. <sup>10)</sup> Матѳ. 26. Марк. 14.

ваемая во оставленіе грѣховъ и въ жизнь вѣчную“. И пакы <sup>1)</sup>: „Ядый Мою плоть и пияй Мою кровь во Мнѣ пребываетъ, и Азъ въ немъ. И аще не снѣстѣ плоти Сына Человѣческаго и не пиете крове Его, живота не имате въ себѣ“ <sup>2)</sup>. Здѣ явите во увѣреніе взѣмъ: како исповѣдуете о страшной тайнѣ сей Господни, о пречистыхъ тайнахъ? Како вѣрны? Обрѣтаетъ ли ся нынѣ на земли? Како кто получить имать живота вѣчнаго безъ святыни <sup>3)</sup>?

Глава 26. Како евангелію Сына Божія вѣрны? Како послушаете притчи сея: <sup>4)</sup> уподобися царство небесное чело-вѣку царю, иже сотвори бракъ сыну своему. Толкованіе. Чело-вѣкъ-царь—Богъ-Отець, женихъ-сынъ—Слово Его, невѣста-церковь <sup>5)</sup>. Мы людіе христоименити, — бракъ нареченный божественныи тайны, ядомыи во святѣй души и причастицы божественному естеству <sup>6)</sup>. Кая есть невѣста церковь Бо-жія, еже быти сыны и дщеря и еже люди его быти, еже Бога и Отца того стяжати и заповѣди Его творити <sup>7)</sup>? Званны ли есте на честный бракъ той? Еще ли бракъ той есть, и же-нихъ, и невѣста, и божественныи тайны <sup>8)</sup> Есть ли ядомы во святѣй души или ни? И како отлучися женихъ отъ лю-бимыя невѣсты своя?

Глава 27. Которыи послушаютъ званія на вечерю Гос-подню, еже рече Господь <sup>9)</sup>: „Человѣкъ нѣкій сотвори ве-черю велію и зва многи, и посла раба своего въ годъ вечера рещи званымъ: грядите, яко уже готова суть вся. И начаша вси отрицатися. 1—супругъ воловъ купихъ пять, 2—село ку-пихъ, 3—жену пояхъ, и не могу пріити. Мнози убо званіи, мали-же избранніи“ <sup>10)</sup>. И аще еси избранній званный, еще ли есть вечеря оная и веселіе? И въ которомъ дому <sup>11)</sup>? Кото-рыми же наполниа домъ твой? (об.). Бывалъ ли кто изъ вашей сонмицы, хотя единъ, на вечера той, и который сла-дости на той вечери насладися или ни? Явите намъ из-вѣстно.

Глава 28. Во откровеніи святыи апостоль Іоаннъ Бо-гословъ (Апокалипсисъ, глава 12): знаемніе веліе явися на небеси, рече: жена, облеченна въ солнце, и луна подъ но-гама ея, и вѣнецъ на главѣ ея отъ 12 звѣздъ <sup>12)</sup>, и во чревѣ имущи хотящи родити <sup>13)</sup>. Жена, облеченная въ солнце — церковь Христова, одѣянна вѣчною свѣтлостію Христовою <sup>14)</sup>; елицы во Христа креститесь, во Христа облекостесь. Луна подъ ногама ея—се знали, яко всѣхъ еретиковъ, отмѣнныхъ въ вѣрѣ, потоптала подъ нозѣ свои <sup>15)</sup>, а вѣнецъ отъ 12 звѣздъ—

<sup>1)</sup> Іоанвъ, Зач. 23. <sup>2)</sup> И о сей намъ тайнѣ. <sup>3)</sup> Явите намъ отъ свя-тыхъ писаній. <sup>4)</sup> Матѣ. Зач. 89. <sup>5)</sup> Коринв. 182. <sup>6)</sup> Ефремъ. 200. <sup>7)</sup> И о семъ яви намъ и увѣри. <sup>8)</sup> Отъ божественныхъ писаній. <sup>9)</sup> Луки, зач. 76. <sup>10)</sup> Матѣ. 22. Апок. 14. <sup>11)</sup> И о семъ яви намъ, что есть вечеря. <sup>12)</sup> Тол. Недѣля 1 поста, евангеліе. <sup>13)</sup> Тол. <sup>14)</sup> Рождаетъ крещеніе. <sup>15)</sup> За нею-жъ змій велій изъ устъ испусти воду велю, да ю потопитъ.

знали апостольское ученіе, свѣтлыя правды догматы, яко луча звѣздныи сіяють въ церкви Христовѣ даже до днесь. И о симъ знаменіи яви намъ <sup>1)</sup>. Коимъ свѣтомъ облеченна церковь вашае коварныя сонмицы? Коими звѣздами сіяетъ и коимъ чиномъ раждаетъ? Како во второй самочинны прекрещиваютъ? Коими крылами воздымается отъ воды горькія яду зміева <sup>2)</sup>? Въ кою пустыню или въ лѣсъ бездушный отлетѣла отъ васъ? И како и когда не стало ея у васъ? И колико дней уже тамъ питается? Въ коемъ градѣ убиты ложные пророки ваши Илія, и Енохъ, Иринья Рушенка, который училъ народъ по свиткамъ лицовымъ <sup>3)</sup>.

Глава 29. О богоизбранный сосудъ Христовъ, проповѣдникъ великій апостолъ Павелъ, вселенныя учитель и богогласная свирѣль, повѣждь намъ и объяви, что есть церковь Божія <sup>4)</sup>. (Бесѣдъ апостольскихъ, листъ 1695). Церковь есть домъ отчій, едино тѣло и единъ духъ, яко же бо тѣло и глава единъ есть человекъ, тако церковь Ісуса Христа едино быти глаголетъ <sup>5)</sup>. Въ которыхъ догматахъ состоится домъ вашае развращенныя, неосвященныя, коварныя сонмицы <sup>6)</sup>? Чрезъ которыя тайны приобщитесь главѣ—Христу? Како вѣрны? Како святы? Кто освятилъ? Когда были вѣрны? Который чинъ священныи былъ у васъ? Которыми церковными тайнами дѣйствовалъ? Кто перекрещиваетъ, и исповѣдаетъ, и прощаетъ и разрѣшаетъ неданнымъ чиномъ, якоже люторцы, и донатисты, и месалияне <sup>7)</sup>? Когда отсѣчеся глава отъ тѣла вашего? И како свалися вѣнецъ со главы украшенный 12 звѣздами? И како свлучися женихъ невѣсты вашихъ душъ непросвѣщенныхъ?

Глава 30. Мнози учителя имъ же учителя глаголють человекъ есть церковь. Человекъ церковь духовная есть, глаголетъ Златоустъ (Бесѣды) <sup>8)</sup>, ибо не стѣнъ ради Христосъ умре на крестѣ, но храмовъ ради сихъ, колыми паче храмъ духовный, ибо человекъ отъ церкви есть честнѣйши <sup>9)</sup>, церковь бо ничто же ино есть, развѣе душами нашими, созданныи ему домъ <sup>10)</sup>. Человекъ паче всѣхъ видимыхъ честнѣйши есть, надъ человека ничто же отъ видимыхъ равно есть у Бога, небо и землю (л. 14) онога ради сотворилъ есть, и въ немъ пребывая паче веселится, нежели на небеси <sup>11)</sup>. Господь глава церкви, и, яко уды, есмы тѣло Его отъ плоти Его и отъ костей Его <sup>12)</sup>. Что есть отъ плоти Его, сирѣчь елицы святыхъ тайнъ причастницы <sup>13)</sup>? И семъ здѣ явите намъ: како есте Христу дѣти и тѣло? Како отъ плоти Его и отъ костей Его? Како причастницы бысте Ему, понеже дѣти

<sup>1)</sup> Отъ святыхъ писаній Апок. тол., глава 34. <sup>2)</sup> Глава 35. <sup>3)</sup> И о семъ явите и увѣрите насъ. <sup>4)</sup> И свят. Златоустъ. <sup>5)</sup> Листъ 904. <sup>6)</sup> Зри, внимай и разсуждай, и что есть глава и тѣло. <sup>7)</sup> Како ко Христу прицѣпились, явите намъ. <sup>8)</sup> Листъ 437. <sup>9)</sup> Златоустъ. <sup>10)</sup> Рим 14. 263. <sup>11)</sup> Зри Ефес. зач. 232. <sup>12)</sup> Златоустъ. <sup>13)</sup> Зри отъ свят. писаній.

пріобщитися плоти и крови, и Той подобнѣ пріобщися тѣмъ <sup>1)</sup>. Словомъ исповѣдуете, а дѣломъ отметааетея, якоже и прочіи отступницы <sup>2)</sup>.

Глава 31. Богогласный проповѣдникъ, вселенный учитель апостоль Павелъ 1 Кориню. глаголетъ <sup>3)</sup>: „Елижды аще ясте хлѣбъ сей и чашу сію пиете, смерть Господню возвѣщаете, дондеже придетъ“. Зрите, о суемудренницы разумъ и преданіе самодивца самого слова Божія <sup>4)</sup>! Како глаголетъ божественный апостоль быти сей тайнѣ совершаемой на воспоминаніе смерти Христовой и въ полученіе живота вѣчнаго, дондеже второе пришествіе Христово будетъ и донележе церковь воюющая на земли обрѣтатись иматъ безкровная жертва въ приношеніи совершатись въ ней станеть, понеже безъ сея святая божественная тайны не можетъ никто вѣчнаго живота достигнути и спасеніе со святыми получитьи, или христіаниномъ истиннымъ именоватися и церкви Христовой сыномъ быти, точіе развѣ еретикомъ и прочее <sup>5)</sup>.

Глава 32. О церкви Христовой <sup>6)</sup>. Благовѣстникъ евангеліе отъ Луки зач. 107 являетъ, яко церковь честнѣйшу иматъ паче всѣхъ тварей, ибо аще и тварь измѣнится, вѣрныхъ же церкви и словеса ея и Евангеліе никогда же <sup>7)</sup>. У—не бо, рече, небу и солнцу измѣнится, нежели церковнымъ правиламъ въ чесомъ измѣнится. Здѣ явите зломудренное мудрованіе свое и о прочихъ отступницѣхъ, что новолюбные власти церковь видимую и преданье святыхъ отецъ нарушили, вѣру и книги измѣнили. Кое же святая церкви преданіе, чинъ и уставъ содержитъ ваша сонмица и которая есть въ неосвященныхъ самогубителѣхъ святыня? Которая же у васъ прежь была и что премѣнили, и чимъ кто васъ ограбилъ?

Глава 33. Рай другій есть церковь Христова, яко древо, имущи крестъ Господень, изъ негоже безсмертію причастихомся <sup>8)</sup>. Село церковь имѣя, раю подобно есть Божіему, тамо древо животное, тамо дерева многоплодная, тамо различніи цвѣты процвѣтають <sup>9)</sup>. Идѣже почитаемъ есть Богъ, ничтоже есть тамо лукаво <sup>10)</sup>, а идѣже не почитается, ничтоже есть тамо благо и здраво. Что есть въ собраніи вашемъ самочинномъ, неосвященномъ, благо, и свято, и здраво? <sup>11)</sup> Имѣетъ ли ся церковь раю подобна и древо животное? Почитается ли Богъ въ пречистыхъ тайнахъ или крестъ честный, имѣже вся дары освящаются?

1) Евреомъ. Зач. 306. 2) Чесо ради? 3) Глава 11, зач. 149. 4) Свят. Златоустъ, Кирилъ, Ефремъ, Катихисъ Большой. 5) По свидѣтельству Сына Божія. Іоаннъ, глава 17. 6) О церкви Христовой. 7) Кирил. Ерус., Листъ 17. 8) Недѣля 3 поста. 9) Бесѣда на дѣяніе, нравочен. 13, листъ 178. 10) *Указательный палецъ*. 11) И о семъ явите намъ отъ свят. цисаній.

И процвѣтають ли цвѣти различніи, сіе есть коя церковная святыня <sup>1)</sup>?

(об.). Глава 34. <sup>2)</sup>. Церковь есть земное небо, въ нейже аггели невидимо славятъ Бога съ челоуѣки <sup>3)</sup>, во-ображена самымъ Господемъ нашимъ Исусомъ Христомъ, апостолы основана, мучениками совершенна, святители украшена, преподобными утвержена, кровію и водою Христовою и Духомъ Святымъ освященна очищена и просвѣщенна, въ нейже едина вѣра, единъ Богъ, едино крещеніе, едины святыя тайны. Что есть земное небо? Есть ли въ собраніи вашемъ и гдѣ аггели съ челоуѣки славятъ купно Бога <sup>4)</sup>? Почитають ли ся священный чинъ епископы, яко самого Христа, попы-же, яко сопрестольники и супруги апостоломъ <sup>5)</sup>? Коихъ благъ и святынь преисполнена? Коими чины украшена? Кто пострадалъ и мучень за Христа и кровію украсилъ, и коими преподобными утвержена? Съ которыми отцы догматами согласуетъ?

Глава 35. Разумѣемъ и мы, братіе, яко корабль есть церковь Христова, въ мирѣ житія обрѣтаема есть, имѣючи плавателя освященныхъ и вѣрныхъ, иже присно имѣють Христа суца съ ними. И мнози врази нападаютъ, хотяще ю разбити, но Христось помогаетъ вѣрнымъ своимъ <sup>6)</sup>. Здѣ разсмотрите и явите намъ, имѣется ли въ васъ корабль той богатый и сплавательно священный и вѣрный <sup>7)</sup>? Есть ли съ ними Христось и въ коемъ пристаници стоитъ оный корабль? И которы противніи врази нападаютъ нанъ, хотящеи разбити? Не попирають ли разкололюбніи благочестивое преданіе, вѣру и церковные догматы, которые есть у васъ? Не окрадають ли души ваши, аки ехиднино рождение?

Глава 36. Бесѣды апостольскія и Маргарить; о церкви Христовѣ Святой Златоустъ глаголетъ <sup>8)</sup>. Церковь есть домъ отчій, едино тѣло и единъ духъ, еяже гору наричетъ непревратное, камень нетлѣнное <sup>9)</sup>; царицу наричетъ сродное Богу, дщерь многоплодное, и тмами именъ наричетъ ея. Церковь Христова выну пребываетъ <sup>10)</sup>, церковь небесъ вышше есть <sup>11)</sup>, земли ширшии есть, каменій твердѣйшии есть, и врата ада не удолѣють ей, и церкви имя согласіе и соединенье есть <sup>12)</sup>. И како разумѣется церковь въ собраніи вашемъ? Непорушима быть до скончанія вѣка, видима ли или духовна <sup>13)</sup>? На твердомъ ли камени основанна

<sup>1)</sup> Чимъ души освящаются и оживляются? <sup>2)</sup> Книга драгій бисеръ. <sup>3)</sup> Книга Сынъ Церковной, гл. 31. <sup>4)</sup> И о семъ яви намъ отъ святыхъ писаній. <sup>5)</sup> Книга о Священствѣ. Златоустъ. <sup>6)</sup> Евангеліе тол. недѣля 23. <sup>7)</sup> И о семъ явите, гдѣ оный корабль обрѣтается. <sup>8)</sup> 1695. <sup>9)</sup> Маргарить. <sup>10)</sup> 1639. <sup>11)</sup> Маргарить. <sup>12)</sup> Бесѣд. <sup>13)</sup> Зри и объяви намъ отъ святыхъ писаній.



и непревратна? И коими вещми состоится? Что есть утверженіе и украшеніе, и которой чинъ содержитъ?

Глава 37. Вельми бо церковь Богу возлюбленна есть, не сія, иже суть стѣнами огражденна, но сія, иже вѣрою ограждена <sup>1)</sup>. Церковь не стѣны и покровъ, но вѣра и житіе. Церкви ничто же равно есть, никогда же старѣеть, но присно юнѣется. Церковь бо паче небеси вкоренилася есть, небесъ вышши есть, земли ширши есть, паче аггелъ честнѣйши и паче всея твари дрожайшии есть. (л. 15). Благородіе ваше <sup>2)</sup>, аще вѣрныи избраннии и боголюбимыи нарицаетесь и церковію, и о семъ явите: коими стѣнами или коею вѣрою ограждена? Коимъ чиномъ или святынею сіяетъ? Како она юнѣется или старѣеть? Которую святыню имѣеть и кои догматы церковныи есть въ ней ненарушенны?

Глава 38. Кая польза есть поучатись о церкви, книга о Вѣрѣ учить <sup>3)</sup>, ибо кто ея не познаетъ, како въ ней, и при ней не пребудетъ и въ ней не обрящется, той и вѣчнаго онаго блаженства по временномъ семъ житіи вѣчнаго живота наслѣдить не можетъ. Свягый Кирилъ Александрійскій <sup>4)</sup>: иже церкви Божіи причастія святыхъ Христовыхъ тайнъ удаляютъ, врази Божіи бываютъ и бѣсомъ друзи. И о семъ явите <sup>5)</sup>: како познаніе о церкви имѣете, како въ ней и при ней, и коимъ чиномъ являетесь? Которыхъ тайнъ причащаетесь? Коимъ чиномъ прекрещеваетесь? Како самочинцы продерзываютъ и прекрещаваютъ, и покаяніе совершаютъ, и прощаютъ, и разрѣшаютъ? Како дойти имутъ вѣчнаго живота? Коимъ путемъ шествуютъ?

Глава 39. Коей ради пользы о святѣй церкви извѣщаемъ и увѣраемъ? Сея ради <sup>6)</sup>: яко да извѣстно вѣдуще ю въ ней и пребываемъ и спасени будемъ, зане, кромѣ церкви Божіи, нигдѣ же нѣсть спасенія, якоже бо при потофѣ, елицы съ Ноемъ въ ковчезѣ не бяху, истопоша, тако и въ день судный вси, иже нынѣ въ церкви святѣй не будутъ, ти въ езеро огненное ввержени будутъ, церковь же свою самъ Христось спасаетъ. Христось есть глава тѣлу церкви <sup>7)</sup>. Се убо, иже не пребываетъ въ сей соборной церкви, тѣхъ Христось не спасаетъ и Духа Святаго сицевіи не имутъ. И о семъ многихъ слышимъ отъ самочинныхъ понурцовъ вашихъ, которыи чтутъ и сами себе церковію называютъ, и на святую церковь, и на пречистыя тайны, и на священство въ хуленіи со отступники равно полагаютъ, яко и слуху человѣческому не вмѣстимо <sup>8)</sup>. Что же церковь есть вашего собранія? О семъ явите и напишите.

<sup>1)</sup> Златоустъ. Сл. на 50-цу, сл. предста царица. <sup>2)</sup> И о семъ просимъ и вопрошаемъ. <sup>3)</sup> Глава 22, листъ 215. <sup>4)</sup> Соборникъ книга, листъ 118. <sup>5)</sup> И увѣрите насъ и послушныхъ своихъ. <sup>6)</sup> Катихисъ Больш. глава 85. <sup>7)</sup> Зри ниже той же главы. <sup>8)</sup> Явите, что есть церковь ваша самочинная? Како спасаетъ?

Глава 40. Въ символѣ вѣры соборная стихъ 9 исповѣдуемъ: во едину святую соборную апостольскую церковь. Что есть церковь соборная? Церковь собраніе вѣрныхъ, се 1 учить<sup>1)</sup>; второе, яко святая церковь ни единаго отъ человекъ имать нарицанія себѣ кромѣ Христа, который честь своею испушилъ и вѣчно себѣ обручилъ, и единъ главою есть, яко приснаго тѣла Его; и 7 тайнъ и 9 заповѣдей церкви предано. Здѣ яви, како исповѣдуеши святую церковь соборную апостольскую, аще еси вѣренъ? Въ правду ли исповѣдуеши? Которые тайны употребляеши? <sup>2)</sup>. Который чинъ церковный и догматы содержиши? Которы заповѣди церковны храниши? Кеторыми утверждаеши и души спасаеши и украшаеши послушныхъ своихъ?

(об.). Глава 41. О пречистомъ тѣлѣ и крови Христовѣ и о священствѣ како вѣрны? Святыхъ апостолъ и святыхъ отецъ писаніемъ хотимъ отъ васъ увѣдати. Бесѣдъ апостольскихъ <sup>3)</sup>, книга Кирилла 193, книги Вѣры, листъ 45 и 51, Ефремъ, листъ 320, Катихисъ Большой глава 85 и Малый. Во всѣхъ сихъ пишутъ до скончанія вѣка <sup>4)</sup>. За симъ свое мудрованіе явите тако же отъ святыхъ писаній: будетъ ли до скончанія вѣка или ни? И откуда прииде безвѣріе сіе въ васъ? И глаголють, уже нынѣ нѣсть приношенія истиннаго, и священства, и церкви, и вѣра пала, и весьма надстоятъ безвѣрны. Иже аще кто не исповѣдуетъ безскверныя жертвы суца тѣлеси Господа нашего Ісуса Христа, да будетъ проклятъ <sup>5)</sup>.

Глава 42. Егда въ Россійскомъ царствѣ совершали святую литоргію на 7 просфирахъ до отступленья Никона, служба по старымъ служебникамъ, на просфирахъ былъ крестъ Христовъ истинный. Совершенно ли было то самое тѣло и кровь Христова въ видѣ хлѣба и вина или ни <sup>6)</sup>, и бывалъ ли кто прежнихъ или нынѣшнихъ лжеучителей святыхъ тайнъ Христовыхъ причастенъ? Хотя единъ пострадалъ ли изъ вашей спиры за церковны тайны и за прочіе догматы или за крестъ Христовъ, хотя единъ учитель? И о коихъ рече пророкъ Исаія: <sup>7)</sup> людіе сіи устнами чтутъ мя, сердце же ихъ далече отстоитъ отъ мене. Апостолъ къ Титу, зач. 302.

Глава 43. О великой тайнѣ сей, о тѣлѣ и крови Христовѣ и о священствѣ самымъ Господемъ преданной и дѣйствующей правовѣрными священноіереями въ нынѣшняя времена по отступленіи Никона патріарха и нарушеніи святой вѣры и премѣненіи книгъ, како исповѣдуеши? Есть ли гдѣ у правовѣрныхъ христіанъ святая церкви, и дѣйства свя-

<sup>1)</sup> Книги Катихисъ Больш. и Малый. <sup>2)</sup> И о семъ явите намъ отъ святыхъ писаній и иа дѣлѣ. <sup>3)</sup> Листъ 871. <sup>4)</sup> Объявите, коимъ подобны наватіаномъ, или месаліаномъ, или люторомъ. <sup>5)</sup> Потреб. больш., листъ 508. <sup>6)</sup> И о семъ явите, вѣрны ли или ни. <sup>7)</sup> Притч. 20. Матѣ. 15.

тыя литургіи, и пречистыя тайны Христовы, и священство, и иночество, и дора, и просфира и хлѣбъ Богородицынъ, и вода святая и прочая служба церковная и будетъ ли въ нихъ до скончанія вѣка? Такожъ явите и о себѣ, отъ коего времени священства и святыни пречистыхъ тайнъ Христовыхъ у васъ не стало? И кто у васъ премѣнилъ и святыни лишилъ? И како Бога исповѣдуютъ вѣдати, а дѣломъ отнещутся Его? Яви намъ.

Глава 44. Егда обращается гдѣ нынѣ въ которой странѣ благочестивой іерей, во святыя церкви отслужить святую литургію на 7 просфирахъ, на нихъ честный крестъ Христовъ тричастный воображенъ, и по старымъ служебникамъ, будетъ ли пречистое тѣло и кровь Христова или ни? Будете ли вѣрны о семъ или ни, и которое о семъ невѣріе вамъ, или сомнительство, или зловѣріе? <sup>2)</sup> И есть ли гдѣ о семъ отъ святыхъ отецъ запрещено или пореченно? И како въ нужду прежніе священники служили и святынь не отлучались христіяне и како самогубители ваши отлучились?

(л. 16). Глава 45. Егда пречистыя тайны тѣло и кровь Христова совершаемо бѣ въ великій четвертокъ въ запасъ на весь годъ, и аще имать пребыть тое таинство нужды ради чрезъ многія лѣта, имать ли быти тое таинство причащающимся во спасеніе или ни? Вѣрны ли вы о семъ или ни? Согласуютъ ли преподобному отцу Ефрему? <sup>2)</sup> Сиде и сіе слово Господне единою речено бысть, еже на всѣхъ престолѣхъ олтаревыхъ даже и до сего дни и до пришествія Его подасть силу жертвѣ, дондеже виды есть тѣло и кровь Христова <sup>3)</sup>. И о семъ вѣрны или ни?

Глава 46. Егда же паки аще будутъ божественныя тайны Христовы не точіе въ великій четвертокъ, но и во инныя дни многихъ ради винъ, аще по чину великаго четвертка написанномъ совершены, освященны, сушенны и хранимы быти на много время могутъ ли или ни? Вѣрны ли о семъ или ни? Будетъ ли во освященіе съ вѣрою причащающимся или ни? И о семъ явите отъ святыхъ писаній намъ достовѣрно свидѣтельство. И согласуютъ ли со святыми отцы самочинцы ваши, кои учатъ и утверждаютъ безъ церкви, безъ святыни и безъ священства спастися людемъ? <sup>4)</sup> Крѣпко ли надежду о томъ имѣете?

Глава 47. Евангельскому Христову ученію и святыхъ апостолъ преданію и святыхъ отецъ 7 соборомъ и 9 помѣстныхъ правиломъ во всемъ ли согласуете и во всѣхъ ли вѣрны? И аще вѣрны есте о сей великой Христовѣ тайнѣ во святѣй литургіи о пресуществленіи хлѣба въ тѣло Христово и вино въ кровь Его, како разумѣете, когда прела-

<sup>1)</sup> И о семъ явите мудрованіе свое. <sup>2)</sup> Слово о пречистыхъ тайнахъ, листъ 505. <sup>3)</sup> Катихисъ Большой и Малый, листъ 36. <sup>4)</sup> И о семъ явите намъ стѣ святыхъ писаній.

гается и въ кое время? <sup>1)</sup> И кто со іереомъ содѣйствуетъ и прелагаетъ хлѣбъ въ тѣло и вино въ кровь Его? Есть ли нынѣ въ вѣрныхъ тайны или ни?

Глава 48. <sup>2)</sup> Аще ли кто боголюбивъ несумѣнно нынѣ вѣруетъ о пречистыхъ тайнахъ прилагатися хлѣбу и вину въ тѣло и кровь Христову и исповѣдуетъ пречистыя тайны Христовы и по достоинству причащается, и вы, премудріи художницы и коварніи лицемѣрницы, како такового разумѣте быти? Хочетъ ли онъ живота вѣчнаго или ни? Правовѣренъ ли онъ христіанину или ни? Аще ли христіанинъ отъидетъ непричастенъ благодати сея, будетъ ли истязанъ отъ бѣсовъ на мытарствахъ оныхъ? <sup>3)</sup> Како дойдетъ живота вѣчнаго? Явите отъ святыхъ писаній.

Глава 49. Аще ли вѣренъ и правовѣренъ христіанинъ, како исповѣдуеши святую соборную церковь и како въ символѣ разумѣши о единомъ крещеніи и о 7 тайнахъ? <sup>4)</sup> О которой тайнѣ рече Христосъ: аще не снѣсте плоти Сына Человѣческаго, и нѣсть инако живота имѣти; рече: аще не Моея плоти снѣсте, еяже не причащающесея, (об.) не причастни будемъ вѣчнаго живота? <sup>5)</sup> Сія бо тайна есть намъ плодъ древа животнаго въ нашемъ церковномъ раю. Яденіемъ убо падохомъ, яденіемъ же тѣла Христова и питіемъ пречистыя крове Его исправитись имамы <sup>6)</sup>, яко безъ причастія истинныя святыни спастися невозможно. А иже отшедъ непричастенъ сея благодати, неотрочно имѣти будетъ томленіе <sup>7)</sup>.

Глава 50. О честнѣмъ крестѣ и о тайнѣ. Евангеліе Толковое <sup>8)</sup>. Идѣ же начертанъ бываетъ крестъ, благословляетъ, и освящаетъ, и просвѣщаетъ, и вся спасеная даетъ. Бесѣды апостольскія, Златоустъ <sup>9)</sup>: яко же бо вода держитъ землю, тако и крестъ вселенную; понеже бо жертву нарече креста, тако и мы тѣмъ жертву приносимъ Богу <sup>10)</sup>. Вмѣсто манны тѣло Владычне, вмѣсто воды не камене кровь изъ ребръ, вмѣсто жезла Моисеова и Ааронова честный крестъ <sup>11)</sup>. Въ кончину вѣка крестнаго древа вкушеніе паденіе будетъ, зане поруганъ будетъ тричастный крестъ <sup>12)</sup>. Никонъ патріархъ отъ церкви съ престола отъ Агнца разлучилъ, гдѣ же обрѣтается въ нашемъ неосвященномъ собраніи? <sup>13)</sup>.

Глава 51. Великій апостолъ Павелъ къ Коринфомъ, зачало 179, сице глаголетъ: аще во Христѣ нова есть тварь, древняя бо мимо идоша, се быша вся нова. Златоустъ <sup>14)</sup>: се и душа нова, очисти бо ся; и тѣло ново освятися креще-

<sup>1)</sup> Явите свидѣтельство отъ святыхъ писаній. <sup>2)</sup> Зри; *указательный палець*. <sup>3)</sup> Златоустъ. <sup>4)</sup> Благовѣст, Іоаннъ, листъ 104. <sup>5)</sup> Катихисъ Вольш., глава 41. <sup>6)</sup> Вѣры листъ 248. <sup>7)</sup> Златоустъ. Молитва причаст. <sup>8)</sup> Листъ 242. <sup>9)</sup> Листъ 1922. <sup>10)</sup> 1257. <sup>11)</sup> Книга о 7 Тайнахъ. Листъ 703. <sup>12)</sup> Зри. <sup>13)</sup> Внимай. <sup>14)</sup> Бесѣда апостольская, листъ 1257.

ніемъ и обновися благодатию; и служба нова, и завѣтъ, и животоѣ, и трапеза нова, ибо вмѣсто нижняго Іерусалима вышній, вмѣсто церкви чювственныя церковь духовную <sup>1)</sup>. вмѣсто обрѣзанія крещеніе, вмѣсто манны тѣло Христово, вмѣсто воды кровь изъ ребръ, жезла Моисея крестъ, вмѣсто обѣтованной земли царство небесное, вмѣсто безчисленныхъ іереовъ единаго архіереа Христа. Которую тайну ветхую ли, или новую Христову содержитъ ваша неосвященная сонмица? Кой чинъ? <sup>2)</sup>.

Глава 52. О тайнѣ крещенія и о пречистыхъ тайнахъ. Евангеліе отъ Іоанна 3. Аминь, аминь глаголю тебѣ, аще кто не родится водою и Духомъ, не можетъ внити въ царство небесное. И <sup>3)</sup> аще не снѣсте плоти Сына Человѣческаго и не пиете крови Его, живота не имате въ себѣ, и се во увѣреніе <sup>4)</sup>. яко сія тайна, достойнѣ приѣмлема, не точию отъ будущихъ грѣховъ и искушеній дьявольскихъ и мирскихъ и плотскихъ соблюдаетъ, но и бывшія грѣхи очищаетъ, не точию сицевая, но и смертныя, о нихъже скорбимъ.

Святаго Афанасія Александрійскаго <sup>5)</sup>: иже церкви Божія и причастія себе святыхъ тайнъ удаляюще, врази Божіи бывають и бѣсомъ друзи. А идѣ же бѣсъ живетъ, трудно тому въ познаніе пріитти <sup>6)</sup>.

(л. 17). Глава 53 <sup>7)</sup>. О первой тайнѣ святаго крещенія. Исповѣдую едино крещеніе во оставленіе грѣховъ <sup>8)</sup>, исповѣдую яко едино неповторяемо крещеніе таинство есть отъ Христа преданное во оставленіе грѣховъ <sup>9)</sup>, и яко всякъ, приѣмлющій сіе съ вѣрою во Христа приѣмлетъ оставленіе прародительнаго грѣха, въ немъже родися и всѣхъ своихъ, яже въ житіи сотвори. Елицы бо во Христа крестистесь, во Христа облекостесь <sup>10)</sup>. Много страшнѣйше то полагаетъ, аще бо Христосъ есть Сынъ Божій, ты-жъ въ него облечеся <sup>11)</sup>, Сына <sup>12)</sup> имѣя въ себѣ, къ нему уподобися во единородство и во единъ образъ приведеся <sup>13)</sup>. О, коль веліе соединеніе симъ сынове и наслѣдницы, ему будемъ въ царствіи небесномъ. О, самочинцы разкололюбны, въ которомъ исповѣданіи прекращеваете <sup>14)</sup>? Паки 2-жды Сына Божія распинаете и ризу Христову раздираете.

Глава 54. Вторая тайна есть хризма или миропомазаніе, еже есть утверженіе святаго крещенія <sup>15)</sup>, которое крѣпка и вооружена устрояетъ крестившагося и непоколебима война Христова показываетъ отъ всѣхъ навѣтъ невидимаго врага <sup>16)</sup>.

<sup>1)</sup> Зри. <sup>2)</sup> И о семъ явите намъ. <sup>3)</sup> Іоаннъ 24. <sup>4)</sup> Катихиса Большаго глава 75. <sup>5)</sup> Собор. 118 листъ. <sup>6)</sup> Златоустъ. Маргаритъ. <sup>7)</sup> Символь, стихъ 10. <sup>8)</sup> Катихисъ Больш. и Мал. <sup>9)</sup> Маргаритъ: едино рождество, тако едино крещеніе. Листъ 162. <sup>10)</sup> Рим. зач. 91. <sup>11)</sup> Галат. 3. <sup>12)</sup> Златоустъ. <sup>13)</sup> Златоустъ. Маргаритъ о крещеніи. <sup>14)</sup> И о семъ яви намъ отъ правиль. <sup>15)</sup> Дѣян. 8. 2 коринѣ. 1. <sup>16)</sup> Тит. зачало 302.

По миропомазаніи бо и Духа Святаго возпріятіе бываетъ, еже есть печать и даръ Святаго Духа, и безъ того крещенія тайна несовершенна есть <sup>1)</sup>. Подобаеть просвѣщающимся святымъ крещеніемъ въ крещеніи святымъ миромъ мазати. мастию небесною, и причастникомъ быти царствія Христова <sup>2)</sup>, И о семъ явите намъ, о преблазнители, самочинни самогубители, которое есть утверженіе въ вашемъ прекращаваніи во второе распинателемъ Христа <sup>3)</sup>?

Глава 55. Третія тайна есть вечера Господня, на ней же истинное тѣло и кровь Христова въ видѣ хлѣба и вина въ воспоминаніе страданія Христова и на вѣчное спасеніе наше бываетъ, еже самъ Спаситель научаетъ <sup>4)</sup>: ядый, Мою плоть и пій Мою кровь имать животъ вѣчный, и Азъ воскрешу его въ послѣдній день. Яко сія тайна есть не точию въ причащеніи по освященіи тайною бываетъ, якоже протчія тайны <sup>5)</sup>, но и въ самомъ освященіи бывши тайною и жертвою за живыя и безъ причащенія <sup>6)</sup>, дондеже виды хлѣба и вина цѣлыя пребываютъ совершеннымъ всегда тѣла и крове Христовы тайною и самимъ Христомъ Богомъ нашимъ. Здѣ явите, откуда вамъ, злохитреннымъ самогубителемъ, привиде безвѣріе о причистыхъ тайнахъ и о священствѣ, и объявите отъ святыхъ писаній <sup>7)</sup>.

Глава 56. Четвертая тайна священство есть уставленное отъ Христа во апостолѣхъ, ихъже возложеніемъ рукъ на епископахъ, отъ епископовъ же на священникахъ, яже освящени бывають чиномъ церковнымъ на строеніе святыхъ тайнъ и на преподаваніе спасительнаго ученія Христова <sup>8)</sup>. Тая же два чина въ священствѣ и иныя (об.) меньшія въ себѣ замыкають, и ни единъ неосвященный и непосвященный строити тайнъ не можетъ <sup>9)</sup>. Священство вельми потребно есть, иже безъ него не могутъ быть исправлены церковныя тайны, и кромѣ священства стоятъ тайны не могутъ. Священство бо на семъ свѣтѣ есть яко душа въ тѣлѣ и яко солнце по всей земли. Здѣ <sup>10)</sup> объявите о тайныхъ волцѣхъ и сокрытыхъ татѣхъ, которые души убивають и уморяють вѣчной смертію.

Глава 57. О еже повиноватись святителемъ и священникомъ и не судити ихъ. Хочу нѣчто преславное рещи, но не чюдитесь ниже смущайтесь. Что же сіе есть <sup>11)</sup>? Приносъ той же есть, аще и худый случивыйся, аще и Павелъ, аще и Петръ, тожде есть, егоже Христосъ ученикомъ даде, еже и нынѣ священницы творять священнодѣйствіе то же и нынѣ, еже есть Петръ и Павелъ творяху.

<sup>1)</sup> Соборъ святыхъ отецъ Лаодикійскій, прав. 47. <sup>2)</sup> *Указательный палецъ.* <sup>3)</sup> Свят. крещенія и миропомазанья. <sup>4)</sup> Іоаннь. Зач. 23—24. <sup>5)</sup> Златоустъ. Бесѣд. Коринѣ. 6. <sup>6)</sup> Катихисъ малой, листъ 36. <sup>7)</sup> *Указательный палецъ.* <sup>8)</sup> Катихиса Большаго и Малаго. <sup>9)</sup> Книга о 7 Тайнахъ, глава 6. <sup>10)</sup> *Указательный палецъ.* <sup>11)</sup> Бесѣда 2556.

ничимъ же меньше инаго <sup>1)</sup>, зане и сего не челоуѣцы освящаютъ, но самъ той же, иже и оного освятивый, яко же глаголы: еже Богъ провѣща, тыя же суть, яже священникъ, и нынѣ глаголетъ, сие и принось той же и крещеніе, еже даде, сие все отъ вѣры есть <sup>2)</sup>; и се убо тѣло есть и оно, яко Христось и нынѣ здѣ есть и нынѣ тожде дѣйствуетъ.

Глава 58. О священнодѣйствіи и преподобнаго Іосифа Волоцкаго. Слово, листъ 160. Прежде бо священія пребываетъ хлѣбъ и вино и вода, по освященіи же молитвами священническими и пришествіемъ Святаго Духа бываетъ освященна и обоженна и претворяется въ плоть и кровь Христову; и не яко отъ проста челоуѣка отъ священника приедемъ, но яко отъ самого серафима, и со лжицы тоя огненныя и страхомъ и трепетомъ; аще и житіе не исправлено мнится намъ имѣти, но намъ не достойно есть осуждати сихъ <sup>3)</sup>; инъ бо есть судія, иже сокровенныхъ зритель, точію да не будетъ кто еретическо имѣя учительство, того блюдемся.

Глава 59. О хиротоніи. Колико великъ есть богоустановленный чинъ іерейскій и яко есть вѣченъ и непрелагаемъ и аггеломъ страшень; то бо есть апостольское наслѣдствіе и того ради имена имъ дана многа. Тако глаголетъ о чести священныхъ Златоустъ <sup>4)</sup>: почитите служители, рече, яко отцы, а епископы, яко самого Христа, попы, яко сопредстольники и супруги апостоломъ, безъ нихъ бо церковь не просвящается, ни тайны церковныя святыя безъ нихъ не совершаются. Внемлите <sup>5)</sup> сіе, о боголюбивіи христоименитіи вси людие, внушите и ужаснитесь! И вы, о самогубители и пренебрегатели сего чина архіерейскаго, іерейскаго, и которымъ чиномъ достойни <sup>6)</sup>!

(л. 18). Глава 60. О чести священныхъ. Сие самъ превѣчная, предвѣчная правда заповѣда глаголя: иже васъ приемятъ, Мене приемятъ, и иже приемятъ Мене, приемятъ пославшаго Мя <sup>7)</sup>. И паки <sup>8)</sup>: слушаай васъ, Мене слушааетъ и отменяяся васъ, Мене отменяется; отменяя же ся мене, отменяется пославшаго Мя. Зрите <sup>9)</sup>, о, христоролюбивіи и боголюбивіи, священныи чинъ приемяющіи, кого приемяете и кого почитаете! Слышите <sup>10)</sup> и вы, о, расколорубители! Внемлите, о, самогубители, смотрите, о священнохульницы, розстригатели и пренебрегатели священнаго чина, каковою честію почтенъ священныи чинъ, то есть самого Христа почитеніе. А сихъ безчестіе и отмянаніе, то самому Христу безчестіе и самого Бога отмянаніе, по словеси Христову <sup>11)</sup>.

Глава 61. Отвергся кто закона Моусеова безъ милосердія, при двою или 3 свидѣтелю, умираетъ <sup>12)</sup>; колико мните

<sup>1)</sup> Крестъ Христовъ и просфира тая же. <sup>2)</sup> Ниже; не пшуй сіе хужши оного быти. <sup>3)</sup> Не примать ученья и причастія и святынь. <sup>4)</sup> Книга о Священствѣ. <sup>5)</sup> Зри <sup>6)</sup> По дѣломъ вашимъ. <sup>7)</sup> Мате. 10. Зач. 32. <sup>8)</sup> Лук. 51. <sup>9)</sup> Звѣзда. <sup>10)</sup> Указательный палець. <sup>11)</sup> Выше пис. <sup>12)</sup> Евреомъ глава 10.

горше сподобится муки: Сына Божія поправый, и кровь за-  
вѣта, еюже освятися, скверну возмнѣвый, и Духа Святаго  
благодать укоривый и прочее. Внемлите <sup>1)</sup>, о самочинцы, что  
бысть въ прежнемъ законѣ, егда Коррей, и Дафанъ, и Ави-  
ронъ дерзнули на священный чинъ <sup>2)</sup>, и Озіа царь како и  
что пострадаша! Тако и въ новой благодати <sup>3)</sup> сынове Скеевы  
како поругани были отъ бѣсовъ. Явите и о себѣ, чесо ради  
дерзаете на священный чинъ и отместете.

Глава 62 <sup>4)</sup>. Внимайте отъ ложныхъ пророкъ, иже при-  
ходятъ къ вамъ одеждами овчими, внутрь же суть волцы  
хищницы; отъ плодъ ихъ познаете ихъ <sup>5)</sup>. Коварни суть ли-  
цемѣрнии еретицы, сего ради глаголетъ, блюдитесь отъ нихъ,  
блага бо словеса предлагаютъ, и житіе являютъ честно, внутрь  
же судъ сердца ихъ, яко удица сокровенна. Одежда овча  
кротость и смиреніе являютъ, тако ласкаютъ и прельщаютъ  
многи, да убіютъ и погубятъ. И о сихъ явите <sup>6)</sup> о которыхъ  
Христось глаголетъ ложныхъ пророкахъ, которіи ходятъ во  
одеждахъ овчихъ коварни и лицемѣрни, внутрь же тайныи  
волки тайно похищаютъ, прельщаютъ, убиваютъ и души умо-  
ряютъ и погубляютъ вѣчною смертію <sup>7)</sup>.

Глава 63. Аминь, аминь, глаголю вамъ, не входяи дверьми  
во дворъ овчій, но прелазя инудѣ, той татъ есть и разбой-  
никъ <sup>8)</sup>. Толкованіе. Татъ убо, иже не писаньми входяи во дворъ  
овчій, яко же бы промыслятъ ими, но прелазя инудѣ, се  
есть инъ себѣ просѣкаяй путь не обыченъ <sup>9)</sup>, якоже Оевда  
и Іюда, иже прежь прельстиша люди и погубиша и изслы-  
ша <sup>10)</sup>. Здѣ разсудите, избраннии христоролюбныи послушницы  
и явите, о которыхъ Спаситель нашъ Христось рече, кото-  
рыи не дверьми входятъ и въ который дворъ влазятъ вѣрою  
не писаными ни чиномъ <sup>11)</sup>. Кто суть тайныи волки, и кото-  
рыи убиваютъ души, и уморяютъ, и жизни вѣчной ли-  
шаютъ?

(об.). Блюдите, рече Господь, да никто васъ прель-  
ститъ <sup>12)</sup>; мнози бо приидутъ во имя мое глаголюще: азъ  
есмь Христось, и многи прельстятъ <sup>13)</sup>. Тогда, аще кто ре-  
четъ вамъ: се здѣ Христось или се ондѣ, не имите вѣры.  
Аще рекутъ вамъ: се Христось въ пустыни есть, еже въ  
пустошныхъ и маловременныхъ глаголахъ, не изыдете <sup>14)</sup>. Но  
откуда не изходите, се есть отъ единыи святыи соборныи апо-  
стольскія церкви и святыи правыи вѣры. Здѣ <sup>15)</sup> разсмотрите  
преблазнителей, которыи сводятъ, во святыи ли вѣры стоятъ,

<sup>1)</sup> Указательный палецъ. <sup>2)</sup> Чис. Глава 16. <sup>3)</sup> Дѣян. Глава 19. <sup>4)</sup> О  
ложныхъ уч. Евангеліе Матѣ. <sup>5)</sup> Благовѣст. Матѣ. зач. 22, листъ 56. <sup>6)</sup> Ука-  
зательный палецъ. <sup>7)</sup> Кто суть еретицы или отступницы. <sup>8)</sup> Іоанна зач. 35.  
<sup>9)</sup> Кто духовны дѣла не даннымъ чиномъ творять. <sup>10)</sup> Указательный  
палецъ. <sup>11)</sup> Кто священнаго чина и святыни получаютъ. <sup>12)</sup> Матѣ. 98.  
<sup>13)</sup> Мар. 60. <sup>14)</sup> Кирил. знам. 8. Тол. <sup>15)</sup> Указательный палецъ.



и въ кой соборъ приводятъ <sup>1)</sup>, и въ которыхъ догматахъ церковныхъ стоять. И како по чину ихъ познать? Почто главы не являютъ, аки ракъ, и чего ради нагъ и слѣпъ?

Глава 65. Блюдитесь, рече Спаситель нашъ, да не прельщени будете и время приближися, не изыдите убо во слѣдъ ихъ <sup>2)</sup>. Которыхъ добрый пастырь сладкимъ гласомъ утверждаетъ: блюдитесь, да не прельщени будетъ? Явѣ, вѣрныхъ своихъ. Тать <sup>3)</sup> не приходитъ, развѣ да украдетъ и убьетъ и погубитъ. Тать <sup>4)</sup> есть дьявомъ и еретицы; понеже убо Ѳевдѣ и Юдѣ и прочимъ отступникомъ послѣдовавшии заколени быша и погибоша <sup>5)</sup>. Подобно блюстися отступниковъ еретиковъ и тайныхъ татей и волковъ, которые тайно душу и тѣло убиваютъ, уморяютъ, и погубляютъ, и живота вѣчнаго лишаютъ.

Глава 66 <sup>6)</sup>. Святый верховный апостоль Петръ сие обличаетъ и глаголетъ: яко въ послѣднiя дни прiйдутъ ругатели по своимъ похотехъ ходящiи. Быша же и лживiи пророцы въ людехъ, якоже и въ васъ будутъ лживiи учителя, иже вѣ суть ереси погибели и мнози пойдутъ въ слѣдъ ихъ <sup>7)</sup>. Здѣ довлѣетъ объявить, кто есть лживыи пророки въ послѣднiя дни сiя, и кто ругатели и по своимъ похотехъ ходящiи, видимыи отступницы сiи? Никона попы, или тайные тати самочинныи лжеучители, или же пророки, которые по свиткомъ лицовымъ учили, и церковное исполненiе сѣщали, и тѣло Христово растерзали и вторые его распинали, и уды Его вѣчною смертiю убиваютъ <sup>8)</sup>?

Глава 67. Святый избранный сосудъ Христовъ и верховный апостоль Павелъ Коринѳомъ зач. 192. Таковiи, рече, лживiи апостоли дѣлатели льстивiи преобразующеся во апостоли Христовы. Толкованiе Златоуста <sup>9)</sup>. Что глаголеши льстивiи, иже Христа проповѣдующiи, имѣнiи не взимаютъ, иже благовѣствованiя инаго не вводящiи. Ей, рече, лживiи, дѣлатели льстивiи. Дѣлаютъ убо да изторгнутъ насажденная; имѣнiи <sup>10)</sup> не взимаютъ, да большая возьмутъ, да душу погубятъ. И о семъ разсудите здраво по дѣломъ <sup>11)</sup>, кто суть дѣлатели льстивiи: попы ли или самогубительныи самочинцы, благовѣста инаго не вводяще, имѣнiй не взимаютъ, да душу погубятъ.

(л. 19). Глава 68. Святый апостоль Юда братъ Господень въ посланiи своемъ глаголетъ <sup>12)</sup>, яко въ послѣднее время будутъ ругатели по своимъ похотѣхъ и нечестiихъ ходящiи. Сiи суть отдѣляющiи отъ единости вѣры и суть тѣлесни, духа неимуще. И о семъ разсудите, о которыхъ ругателѣхъ?

<sup>1)</sup> И церкви, и откуда. <sup>2)</sup> Лук. Зач. 105. Тол. <sup>3)</sup> Иоанна зач. 35. <sup>4)</sup> Тол. <sup>5)</sup> Здѣ явите тайные тати и сокровенныи волки. <sup>6)</sup> 2 послан. Глава 2. <sup>7)</sup> Въ которыхъ отступникахъ прежь явились явите. <sup>8)</sup> Златоустъ. Нравоуч. <sup>9)</sup> Бесѣды листъ 1387. <sup>10)</sup> Ниже. <sup>11)</sup> Кто суть рожденiе ехиднова чада, чрево матере расторзаваютъ. <sup>12)</sup> Зач. 71.

Будутъ, рече, въ послѣднее время ругатели, отдѣляющіе отъ единости вѣры, и святыя соборныя церкви, святыхъ тайнъ и священства и Духа неимуще <sup>1)</sup>. Новолюбный ли власти и попы или самочинцы неосвященные по чину и по дѣломъ ихъ? Есть ли благодать Святаго Духа въ неосвященныхъ въ прекрещеваніи ихъ и въ прочихъ дѣйствахъ ихъ?

Глава 69. Книга о Священствѣ, глава 3. Тако Златоустъ о священствѣ глаголетъ: священство убо совершается, рече, на земли, чинъ же небесныхъ имать, яко страшна есть вещь священства и ветхаго служенія, новое много страшнѣйшее <sup>2)</sup>. И о семъ внимлите себѣ, о разглагольницы и злохульницы божественнаго священства! Сколь велика есть сія тайна и колика есть преславна, юже вы уменьшеніемъ еретическимъ, дерзостию своею отместете; подобне, якоже прежь люторцы, месалияне, богомилы, понурицы, кальвины, еретицы манихеи, донатисты, о коихъ пишетъ Бороній рокъ 371 <sup>3)</sup>, и стригольницы. Сіи еретицы о тѣлѣ и крови Христовы отнюдь не исповѣдовали и въ причастіи не приимовали. Такоже самочинцы.

Глава 70. Катихисъ Большой <sup>4)</sup>. Почему позновати еретики? Отвѣтъ. Дѣлъ ради сихъ: аще не имѣютъ пристанища святыя церкви, аще непризываемы входятъ въ чинъ учительства и учать не тако, аще противно вѣрѣ святыи являютъ и возмущеніе приводятъ. Которые еретики или отступники пристанища у себѣ святыя церкви не имѣютъ <sup>5)</sup>? Которые непризываемы входятъ въ чинъ учительства и учать не тако. Засимъ яви, есть ли пристанище—святая церковь, и священство. и святыя и церковныя тайны въ самочинцахъ <sup>6)</sup>? Призываемы ли входятъ въ чинъ учительства и отъ кого поставляемы? По закону ли Божію дѣйствуютъ? Есть ли кое подобіе святыхъ отецъ?

Глава 71. Катихисъ Большой глава 1. Что есть христіанинъ? Отвѣтъ. Христіанинъ есть, иже въ Бозѣ живетъ и благочестивно пребываетъ <sup>7)</sup>. Откуда нарицается христіанинъ православный <sup>8)</sup>? Наричается православный христіанинъ имени ради Христова отъ Христа, отъ святаго крещенія и отъ хризмы, сиречь отъ помазанія святымъ миромъ. И о семъ яви, аще еси христіанинъ <sup>9)</sup>? Како крещень? По преданію ли святыхъ отецъ? Кто тя крестилъ? Совершенно ли благочестиво крещеніе? Помазанъ ли святымъ миромъ и масломъ? Причащенъ ли святыхъ тайнъ Христовыхъ? По закону ли благочестно въ Бозѣ живешь?

Глава 72. Василій Великій, правило 45. Христіанинъ, не творяй заповѣди Христовы, ругатель ему есть <sup>10)</sup> (об.).

<sup>1)</sup> Явите духовный ли чинъ содержите? <sup>2)</sup> Глава 3, 4, 5 и 6. <sup>3)</sup> И 403. <sup>4)</sup> Глава 5. <sup>5)</sup> И о семъ явите отъ святыхъ писаній. <sup>6)</sup> Коимъ послѣдуете святымъ отцемъ. <sup>7)</sup> Вопросъ. <sup>8)</sup> Отвѣтъ. <sup>9)</sup> Яви намъ, помазанъ ли святымъ миромъ, имаши ли печать и даръ Святаго Духа? <sup>10)</sup> Тол.

Христiанинъ сый ругаяся Христу отъ нареченiя пользы не приѣмлетъ: вѣра безъ дѣлъ мѣртва есть, еже нарицатися христiанину и Христовы заповѣди отмѣтати и дѣлы злыми тому ругатися. Аще еси вѣренъ, нарицаешися христiанинъ <sup>1)</sup>, церковныи догматы употребляеши ли и заповѣди которыя церковныя храниши? И отъца духовнаго iереа имѣеши ли? Чимъ освящаешися? Исповѣдуеши ли пречистыя Христовы тайны и не раздираеши ли Христову ризу вторымъ прекрещаванiемъ <sup>2)</sup>? И не ругаеши ли Христу самочинными дѣлы и наданная (такъ) твориши?

Глава 73. Бесѣда на дѣянiя апостольскiя, листъ 403. Христiяне по чему познаваеми суть? Кое знаменье имуть <sup>3)</sup>? Печать да приѣмемъ съ небесъ, да яко же стадо царское вездѣ являющесе будемъ отъ устъ, отъ языка, отъ еже глаголати, яко же апостоли <sup>4)</sup>, и вездѣ сiяти отъ дѣлъ, яко свѣтилу миру. Паки отъ устъ и языка познаваеми, яко же варвары, еллины и прочiи еретицы и отступницы. Палуги глаголемiи <sup>5)</sup>, откуда суть знаеми? Отъ еже глаголати имъ, яко человекъ; сiце и мы аще убо воскресенiе глаголемъ есть и вѣчная благая, тая же пренебрегаемъ, и яже здѣ предпочитаемъ, кто намъ вѣру имать. Иже убо вѣру праву имѣя, грѣхи же творя, подобенъ есть лицу очю неимущему.

Глава 74. <sup>6)</sup>. Что есть истинный православный христiанинъ? Отвѣтъ. Христiанинъ есть, иже отъ Бога Святымъ крещенiемъ порожденный, и по благодати Его банею паки бытiя сынъ Божiй нарицается и благочестиво и боголюбезно пребываяй, и право въ православи вѣруя <sup>7)</sup>, и твердо въ законъ стояй, не ища себѣ инаго закона и превратнаго сомнѣнiя, храня себе непоколебимо въ христiанскомъ законѣ и своими благими дѣлы показуя свое благовѣрiе. Хотящiи бо, рече <sup>8)</sup>, благочестно жить, гоними будутъ. Благочестно живущiи о Христѣ Исусѣ присно гоними суть, аще и не отъ человекъ, но отъ бѣсовъ, еже убо и лютейшее есть гоненiе, и прежь отъ самаго наипаче розваленiя и пици и питiя сiе претерпѣвають нетрезвiящися.

Глава 75. Бесѣда на дѣянiя апостольскiя. Христiянина ничто же вредитъ <sup>9)</sup>. Се засвидѣтельствую и велiмъ гласомъ глаголю, и трубы яснѣйши; и аще возможно было бы, на высокое мѣсто возшедшу возопитъ, не отреклибымъ ся, яко христiянина никто же отъ человекъ, живущихъ на земли, вредити возможегъ. И что глаголю — отъ человекъ? Ниже самый той бѣсъ, мучитель дяволъ, аще не самъ себе обидѣти будетъ. Человекъ благъ бо есть произволенiемъ, что убо сему будетъ равно? Егда ниже вредитись возможегъ,

<sup>1)</sup> Яви намъ, что есть христiанство. <sup>2)</sup> И о семъ покажи отъ святыхъ писанiй <sup>3)</sup> Отвѣтъ. <sup>4)</sup> Василiй Великiй, Златоустъ, Максимъ Исповѣдникъ. <sup>5)</sup> Зри. <sup>6)</sup> Катихизъ Большой. Гл. 1. Вопросъ. <sup>7)</sup> Человекъ церковь духовная есть. <sup>8)</sup> 2 Тим. 3 Зач. 295. Тол. <sup>9)</sup> Нравоуч. 3. 51. 461.

ниже самъ вридити другаго. Завистникъ всѣхъ сквернѣйшій съ Богомъ ратуется; пси суть <sup>1)</sup> <sup>2)</sup>).

(л. 20). Глава 76 <sup>3)</sup>. Вопросъ. Что есть знаменіе совершенно вѣрна христіянина <sup>4)</sup>? Вѣра правая, надежда несумнѣнная, любовь нелицемѣрна, молитва, милостыня, правда, чистота, цѣломудріе, постъ, воздержаніе, смиреніе, кротость, незлобіе, милосердіе, не судити братне согрѣшеніе, ни лгати, не оклеветовати, не похищати, ни обидѣти никого <sup>5)</sup>, ни завидѣти, ни лихоимствовать, ни гордиться, ни превозноситься, ни блудити, ни прелюбодѣйствовать, ни украсти, ни убити, ни чародѣйствовать, ни волхвовати, и всею силою хранитися отъ всѣхъ нечестивыхъ дѣлъ.

Глава 77. Благовѣстникъ отъ Матѳея глава 1. Правовученіе яко подобае вѣрному христіянину чисто и право житіе имѣти <sup>6)</sup>. Вѣрному бо христіянину свѣтило миру подобае быти, и соль земли, и отъ приложенія дѣлъ благихъ своихъ подобае сіяти и вездѣ познаваему быти <sup>7)</sup>. Како же прочіе познати тя возмогутъ нынѣ яко вѣренъ еси христіянинъ, толика супротивна и другая множайша имуща. Что бо ли глаголю вѣрна христіянина? Ни, бо аще человекъ еси, не могу явѣ увѣдѣти тя <sup>8)</sup>, егда ногою біеши яко осель, скакаеши же, яко быкъ, ржеша на жены, яко конь, объядаешися яко медвѣдь, питѣеши тѣло, яко мска, злопомниши, яко велбудъ, похищаеши яко волкъ, гнѣваешися, яко змій устрѣцаеши, яко скорпія, пронырливъ еси, яко лисица <sup>9)</sup>, ядъ же лукавствія храниши, яко аспида и ехидна, брань на братію твориши, яко лукавый бѣсъ. Како такова суца съ человекѣи могу причести тя, не зря въ тебѣ подобіе человекское <sup>10)</sup>? Образъ бо вѣрна христіянина ищю и не могу обрѣсти человекѣа и звѣря различіе. Что же ли къ тому нареку тебе? Звѣря ли? Но звѣрь едино отъ сихъ злыхъ ищутъ, ты же вся собравъ купно имаши. Како имамъ нареци тя?

Глава 78. Вопросъ <sup>11)</sup>. Которая есть 5-я тайна церковная? Отвѣтъ. Покаяніе, еже бываетъ за грѣхи съ сокрушеніемъ сердечнымъ во исповѣданіи грѣховъ съ надеждою о отпущеніи ради изліянія честныя крове Сына Божія; и то разрѣшеніемъ священническимъ, имъже дана отъ Христа власть вязати и рѣшити грѣхи. И егда рече іерей: прощаетъ тя Христось невидимо, и азъ грѣшный властію Его мнѣ данною прощаю тя и разрѣшаю и прочее <sup>12)</sup>, того ради яко и на судномъ дни не имать быть осужденъ по реченному: Аминь, аминь глаголю вамъ, аще свяжете на земли, будетъ связано

<sup>1)</sup> Листъ 104, <sup>2)</sup> 2160. 1423. <sup>3)</sup> Свят. Афанасій Александрійскій. <sup>4)</sup> Отвѣтъ. <sup>5)</sup> Звѣрей превосходятъ чужая похищающіи. 2737. 1953, 2892. 3120. <sup>6)</sup> Листъ 24. <sup>7)</sup> Ниже. <sup>8)</sup> Аще убо человекѣа не достоинъ нареци тя, како вѣрна? <sup>9)</sup> Како ли христіянина наречемъ тя, рцыми. <sup>10)</sup> Горше оныхъ безсловесныхъ путии ходиши. <sup>11)</sup> Катихиса Малаго. <sup>12)</sup> По коимъ правиломъ неосвященные самочинцы прощаютъ и разрѣшаютъ?

на небеси, и елико разрѣшити на земли, будетъ разрѣшено на небеси <sup>1)</sup>. Разрѣшить кающагося никто же можетъ, точію православный священникъ, понеже кромѣ церкви нѣсть спасенія, прощенія и разрѣшенія.

(об.). Глава 79 <sup>2)</sup>. Благовѣстникъ Евангеліе Матѳея <sup>3)</sup> Толкованіе. Аще Богу согрѣшитъ, не могу азъ препростый простить его, но аще кто Божій чинъ имѣя священнической и прочее. Святый Василій Великій пишетъ во <sup>4)</sup> мнишескихъ книгахъ своихъ, глава 51 <sup>5)</sup>. Согрѣшенія нѣсть лѣпо исповѣдать къ якову либо человѣку, развѣ ко іерею, понеже іерей есть земный аггелъ и небесный человѣкъ. Святый Афанасій Александрійскій <sup>6)</sup>. Якоже человѣкъ отъ священнаго человѣка крещаемъ бываетъ, просвѣщается Святаго Духа благодатію, тако и исповѣдуется въ покаяніи, ради іерея Христовою благодатію приѣмлетъ оставленіе грѣховъ <sup>7)</sup>. И о семъ явите, како неосвященный, въ покаяніи <sup>8)</sup> прощаетъ и разрѣшаетъ, по коимъ правиломъ?

Глава 80. Книга Кормчая. Вопросъ. Подобаеть ли дѣти духовныя пріимать не презвитеру сущу <sup>9)</sup>? И весьма убо, се речемъ: яко онемъ достойно есть пріимати, и вязати, и рѣшити, иже отъ духовныя благодати власть пріяша, иже суть епископы и презвитеры. А <sup>10)</sup> емуже нѣсть достойно оставлять и не имущимъ рукоположенія, вотще отнюдь къ такому исповѣданію. Таковіи никакоже не могутъ вязати ни разрѣшати <sup>11)</sup>. Како самогубители могутъ самочинно вязать и рѣшити <sup>12)</sup>?

Глава 81. Аще кто безъ повелѣнія дерзнетъ пріимать помыслы и исповѣди, таковой по правиломъ пріиметь казнь <sup>13)</sup>; но точію себе погуби, но елицы у него исповѣдашесь неисповѣдани, и елицѣхъ связа или разрѣши, не исправлени суть. Зри въ Номоканонѣ <sup>14)</sup>, о самочинче! Аще нѣдци попущеніемъ Божиимъ въ толико приидоша дерзнути, еже невѣрнѣ и злочестивнѣ; невѣріе бо есть вещь сидевая, еже кромѣ священства пріяти херотонію священная дѣйствовать. Нѣсть слово рещи о осужденіи сидевыхъ! Сіе бо дѣло горше есть самыхъ тѣхъ нечестивыхъ бѣсовъ во аггела свѣтла преобразующихъ точію, но не сущихъ, и Божіе убо лицемерующихъ безбожныхъ сущихъ и противныхъ Богу <sup>15)</sup>. Таковіи не токмо веліе и неизчетное томленіе подымутъ на божественная сиде злѣ возхуливше, ниже бо гласы божественныи отъ нихъ, ниже божественная дѣла, понеже благодати рукоположенія не имутъ, но и мечь пріимутъ иную за прельстившихся отъ нихъ, или нѣгдѣ крещеныхъ, или

<sup>1)</sup> Катихиса Малаго листъ 36. <sup>2)</sup> О покаяніи. <sup>3)</sup> Зач. 76. <sup>4—5)</sup> *На полѣ.* <sup>6)</sup> Книга Ник. Чер. Горы. <sup>7—8)</sup> *Вывоска на полѣ.* <sup>9)</sup> Отвѣтъ. <sup>10)</sup> Ниже. <sup>11)</sup> Кормчая письмян. <sup>12)</sup> Явите о самочинцахъ. <sup>13)</sup> Потребникъ большой, Намоканонъ листъ 6. <sup>14)</sup> Листъ 57. <sup>15)</sup> Бесѣд. Не можеше бо ихъ покаяніе чистыхъ позвати ихъ.

рукоположенныхъ. Сіи бо ни хиротонисани суть, ни крещени <sup>1)</sup>; ничтоже бо даетъ немѣяй, и ничтоже приѣмлетъ что отъ неимушаго, аще и мнится имѣти. Тѣмъ же и прельщенъ бысть, и вѣруяй быти священникъ или крещенъ, нѣсть; (л. 21) и погибели сихъ крестивый повиненъ: не можетъ бо человекъ имѣти непріимъ отъ Бога такова дара. Кромѣ, бо рече, Мене не можете творить ничто же. Книга Кормчая, листъ 521 <sup>2)</sup>).

Глава 82 <sup>3)</sup>. Вопросъ. Которая есть 6 тайна церковная? Толкованіе. Супружество законнаго брака отъ Христа Бога установлено есть во умноженіе рода человекскаго и въ воспитаніе чадъ ко славі Божіи <sup>4)</sup> въ неразрѣшимый союзъ любви и дружества и взаимную помощь коеже отгрѣбаться отъ грѣха любодѣяннѣя <sup>5)</sup> <sup>6)</sup>. Вещь сея тайны есть мужъ и жена въ приобщеніе брака честно изволеніемъ общимъ безъ всякаго препятія правильнаго совокуплятися изволяющіи <sup>7)</sup>. Сія тайна благословеніемъ священническимъ утвержена есть. О нейже рече апостоль: бракъ честенъ и ложе нескверно. И о семъ брацѣ и тайнѣ како разумѣете <sup>8)</sup>? Имѣется ли въ собраніи вашемъ или ни? И есть ли еще у правовѣрныхъ тайна сія супружества.

Глава 83. Колико и каковы дары есть въ тайнѣ сей супружества? Первая духовная любовь есть, якоже Христосъ возлюбилъ церковь и себе преда за ню. 2, бракъ честенъ и ложе нескверно. 3, яко другъ другу обѣты содержать и не прелюбодѣйствуютъ. 4, единодушно да пребываютъ, яко едина плоть и единъ духъ. 5, яко въ той святини да пребываютъ съ цѣломудріемъ. 6, да единодушно пребываютъ въ постѣ и молитвѣ и воздержаніи во времена извѣстная. 7, яко вся бѣды и скорби лишенія другъ другу обще претерпѣваютъ и въ любви Богу до угождають. Бракомъ совокупльшимся не разпушчаться <sup>9)</sup>, и никому же своя жены не изгонять просто, ни разлучатись отъ нея, и другому браку да не сочетаются. Самочинцы по коимъ правиломъ разводять, и уводять жены отъ мужей, и женитву запрещаютъ <sup>10)</sup>.

Глава 84. Кто есть дѣйственникъ сея тайны? (Катихиса Большаго). Отвѣтъ. Первое убо самъ Господь Богъ, якоже Моисей боговидецъ пишетъ <sup>11)</sup>: И благослови я Господь Богъ глаголя: растите и множитесь и наполните землю и обладайте ею. И въ евангеліи утверждаетъ, глаголя <sup>12)</sup>: яже Богъ сочета, человекъ да не разлучаетъ. Оставитъ человекъ отца своего и мать и прилѣпится женѣ своей и будета

<sup>1)</sup> Сего ради крещаются. Златоустъ. Листъ 2855. <sup>2)</sup> Катихисъ Мал. <sup>3)</sup> О тайнѣ супружества. <sup>4)</sup> Катихисъ. <sup>5)</sup> Катихиса Большаго. <sup>6)</sup> Кормчая. <sup>7)</sup> Какъ самочинцы разводять? <sup>8)</sup> Явите, како у васъ не стало. <sup>9)</sup> Кормч. листъ 153, прав. 102. <sup>10)</sup> Явите и о семъ отъ святыхъ писаній. <sup>11)</sup> Быт. 3. <sup>12)</sup> Матѣ. 19, Мар. 10.

оба въ плоть едину. Мужъ бо и жена не суть челоуѣцы два, но челоуѣкъ единъ <sup>1)</sup>. Богъ сотвори з двоихъ едино, а бѣсъ з одинаго двое творить сопротивъ Божию закону <sup>2)</sup>. Богъ рече: будутъ оба въ плоть едину, онъ же едину на двѣ раздѣли. Церковь Божія держитъ и учитъ, дѣйствовать не возбраняетъ и жениться, аще кто хоцетъ и можетъ <sup>3)</sup>. Честна женитва во всѣхъ и ложе нескверное <sup>4)</sup>; блудникомъ и прелюбодѣемъ судить Богъ; и въ законъ убо женитва нѣсть грѣха <sup>5)</sup>; а любодѣемъ и прелюбодѣемъ судить Богъ. А кто порочитъ да будетъ проклятъ <sup>6)</sup>.

(об.). Глава 85. Апостоль Павелъ Тимоѳею глава 4 въ посланіи 1 глаголетъ: Духъ явственнѣ глаголетъ, яко въ послѣдняя времена отступятъ нѣдци отъ вѣры, внемлюще духовомъ лестнымъ и ученіемъ бѣсовскимъ въ лицемѣрїи лжесловеснымъ сожженнымъ своею совѣстію, возбраняющимъ жениться, удалятися отъ брашенъ <sup>7)</sup>. О воздержникахъ и енкратистахъ, маркіонитахъ и о татїанѣхъ, которїи не точію брашенъ различныхъ имѣти, но и жениться возбраняють. Къ тому же исполняется сїй глаголь на нынѣшнихъ сектарѣхъ и на адамитѣхъ <sup>8)</sup>. Засимъ явите о коварныхъ самочинцахъ, право ли стоятъ въ догматахъ церковныхъ, не внимають ли бабїимъ баснямъ лжесловеснымъ? Не сожжены ли совѣстію? Не запрещаютъ ли жениться и замужъ не ходитъ <sup>9)</sup>? Стряпухъ держи или з тремъ живи, а не женись. Коимъ есть сїи подобны?

Глава 86. Той же апостоль Павелъ къ Тимоѳею 2 посланіе, глава 3 пишетъ <sup>10)</sup>: Сїе же вѣждь, яко въ послѣдняя времена будутъ челоуѣцы самолюбцы, сребролюбцы, величавы, горди, имуще образъ благочестїя, силы же его отвергшіися <sup>11)</sup>. Отъ сихъ бо суть поныряющїи въ дома и пленяющїи женчища, отягчены грѣхами, водими похотями различными; всегда учащеса и николи же въ разумъ истинный прїити могуще <sup>12)</sup>. Яко же и Анній и Амрїй противистася Моусею, тако и сїи противятся истиннѣ. Здѣ объяви, которїи поныряють въ дома и пленяють женчища? Въ кою обитель отводятъ и коимъ чиномъ? Коему благочестїю научають? Кои догматы церковныи содержатъ и святыню? Въ какову прелестъ вовлекутъ? Ибо прелестъ нигдѣже стоитъ; аще во-первѣе прелести процвѣтутъ, въ конецъ не пребудутъ <sup>13)</sup>.

Глава 87 <sup>14)</sup>. Которая есть седьмая тайна церковная? Катихисъ Малый Отвѣтъ. Помазаніе елеомъ съ молитвою въ

1) Быт. 2. Зри градъ. 2) Рим. бесѣда 4, листъ 8. 3) Книга Кирил., листъ 190 4) Евреомъ. Глава 13. 5) Потребникъ, листъ 153. 6) Соб. Гангръ. 1. 7) Тол. Златоустъ, бесѣдахъ. 8) Книга Кирил. Ерус., листъ 191. 9) Которой ереси причастни или блудъ, еже послѣдняя погибель. 10) Зач. 295. 11) Ниже 1609, 10 и 611. 12) И о сихъ яви намъ, которїи противятся истиннѣ. 13) О 7 Тайнѣ. 14) Аще первее процвѣтутъ, яже прелестъ, въ конецъ не пребудетъ. Листъ 2613.

немощи отпушенія ради грѣховъ и здравія ради тѣлеснаго, якоже писаніе святое учитъ <sup>1)</sup>: дастъ имъ власть бѣсы изганяти, и мазаху масломъ многи недужныя, и исцѣлеваху <sup>2)</sup>. Болитъ ли кто въ васъ, да призоветъ попы церковныя, и да молитву сотворятъ надъ нимъ, помазавше его масломъ во имя Господне. И молитва вѣры спасетъ болящаго. И аще грѣхи будетъ сотворилъ, отпустятся ему. И о семъ яви, аще вѣрны христіане нарицаетесь, есть ли въ васъ попы? Помазуютъ ли они масломъ болящихъ? Есть ли освященіе отъ нихъ и отпушеніе грѣховъ кающимся? Како неосвященіи прощаютъ?

Глава 88. Вопросъ. Которая суть дѣйства и кая польза разумѣтся въ сей тайнѣ? Чесо ради помазуемъ <sup>3)</sup>? Первѣе, дабы священники православніи были, 2, дабы вещь надлежащая была: свѣщи, масло, вино церковное (л. 22), кое преже освященно отъ священника; 3, дабы немощный былъ тако же правыя вѣры сынъ церковный и прежде помазанія исповѣдался, потомъ помазуется елеомъ и причащается святыхъ Христовыхъ тайнъ. И о семъ явите, аще правыя вѣры и христіане. Творится ли тайна сія неосвященными самочинцы? Или точію во второй прекрещаваютъ трепогруженныхъ? Кая правила повелѣвають сія дѣйствовати вамъ?

Глава 89. О схизматичѣхъ отдирающихъ себе отъ церкви въ той же вѣрѣ, злѣ же противная церкви, и закону, и правиломъ творити. Златоустъ нравоученіе 11 ко Ефесеомъ <sup>4)</sup>: Ничтоже тако раздражаетъ Бога, яко еже церкви раздѣляться. Паче всего Богъ раздражается о раздорѣ церковномъ <sup>5)</sup>; сего грѣха ниже мученическая кровь загладити не можетъ <sup>6)</sup>. И о семъ явите намъ яснѣйши отъ святыхъ писаній. Никонъ вѣру измѣнилъ, церковныя догматы нарушилъ, крестъ Христовъ истинный отъ Агньць разлучилъ, чинъ и уставъ святыхъ отецъ все премѣнилъ и раздоръ учинилъ <sup>7)</sup>. Ваша честность именуется вѣрны въ той же христіанской вѣры мните быть. Которыя церковныя догматы содержитъ сонмица ваша самочинная? Како уды Владычня разтерзаеши, какъ ризу Христову раздираеши, тайны Христовы и священство уничтожаеши, и второе перекрещиваеши, и священный чинъ поруговаеши <sup>8)</sup>?

Глава 90. Кто суть самогубители, пренебрегающій отлученія архіерейскаго, іерейскаго? Въ коемъ законѣ и въ коей вѣрѣ и гдѣ обрѣтаются таковіи самогубители, о коихъ Златоустъ глаголетъ <sup>9)</sup>: иже сихъ презирающеи много отъ сихъ нечистѣйши, иже о Дафанѣ и Авиронѣ, и сквернѣйши паче. Не вѣсте ли, что пострадаша они? Како и за что земля

<sup>1)</sup> Евангеліе Мар. 6. <sup>2)</sup> Апостоль Іаковъ 5. <sup>3)</sup> Отвѣтъ <sup>4)</sup> Листъ 1692.

<sup>5)</sup> Ниже. <sup>6)</sup> *Указательный палецъ*. <sup>7)</sup> Явите о себѣ отъ святыхъ писаній, которымъ свят. отцемъ согласны или еретикомъ. <sup>8)</sup> Како вѣренъ?

<sup>9)</sup> Книга о Священствѣ, глава 4.



пожре ихъ и стоны ихъ снидоша во адъ <sup>1)</sup>). Благовѣстникъ, Луки зач. 4, листъ 21: еже аще кто удаляется убо священ-ныхъ и не начинаетъ божественныхъ, сей есть безбо-женъ <sup>2)</sup>). Рцы намъ и напиши во увѣреніе, коимъ есть по-добны презирающіи священный чинъ іерейскій, коимъ от-ступникомъ?

Глава 91. Кто суть схизматики, раздирающіи церков-ное соединеніе и отдѣляюще себе отъ церкви и единости вѣры <sup>3)</sup>, и кто суть ссѣпающеи исполненіе церковное и тѣло Христово разтерзающеи, паче нежели воины копіемъ пресѣкоша и гвоздьми прободоша? И о коихъ глаголетъ <sup>4)</sup> Златоустъ (листъ 1695) <sup>5)</sup>: сего ради глаголю и засвидѣ-тельствую, яко отъ еже въ ересь впасти и еже церковь раз-драти не меньшее есть зло. Которіи разтерзають паче тѣло Христово, римляне ли, юниты или русскіе отступники или тайные волки и тати и скверный еретики? <sup>6)</sup> <sup>7)</sup>.

(об.). Глава 92 <sup>8)</sup>. Святой Іоаннь Богословъ <sup>9)</sup> рече: Дѣти, послѣдняя година есть и якоже слышасте, яко анти-христъ грядетъ, и нынѣ антихристи мнози. Чтоже есть пер-вая година, и что 2, и что послѣдняя година, о нейже святой Іоаннь рече <sup>9)</sup>? Книга Мессіи правдивый: правъ былъ за-конъ Адаму, естественный до Моисея <sup>10)</sup>. Правъ бѣ законъ Моисеовъ, писанный до Христа предваренія за 1485 лѣтъ—2 година <sup>11)</sup>. А послѣдняя, 3, година отъ Христа до антихри-ста <sup>12)</sup>. Колико послѣдняя година есть отъ Христа до анти-христа велика, по числу ли звѣрину, что во апокалипсіи 1666, и что антихристи мнози и что лжепророки? И что лже-апостолы и что лжеучители <sup>13)</sup>? И о мерзости заустѣнія и какъ пришелъ въ міръ антихристъ и колико уже онъ цар-ствуетъ <sup>14)</sup>. У васъ были таковіи пророки ложны, которые по свиткомъ лицовымъ учили и о антихриствѣ, и о кончинѣ, и о томъ больши вѣдомо вамъ есть <sup>15)</sup>. Объявите и намъ и людемъ.

Глава 93. Святой Ипполитъ папа Римскій, Слово о страшномъ судѣ пишетъ <sup>16)</sup>: По всему убо хочетъ уподо-битися льстець Сыну Божію: левъ—Христосъ, левъ и анти-христъ; явися Христосъ Агнецъ, явится и антихристъ агнецъ, внутрь сый волкъ. Посла Христосъ апостолы во вся языки, и той пошлетъ ложныя апостолы; даде Господь знаменіе—чистый крестъ, и той подобнѣ дастъ свое знаменье <sup>17)</sup>. Како уподобится льстець Сыну Божію, и что агнецъ, и что лож-ные апостолы и пророки? Въ которыхъ людехъ явится? Ко-

<sup>1)</sup> 1470. Чиселъ 16. <sup>2)</sup> Указательный палець. <sup>3)</sup> Бесѣда, листъ 1692.

<sup>4—5)</sup> Приписано на полъ. <sup>6)</sup> И о семъ явите яснѣйшее намъ. <sup>7)</sup> Люторцы и мавтаниты. <sup>8)</sup> О антихриствѣ зри. <sup>9)</sup> 1 посла., зач. 71. <sup>10)</sup> Зри. Первая година 4000 лѣтъ. <sup>11)</sup> 2 година. <sup>12)</sup> 3 година. <sup>13)</sup> И о семъ явите свидѣт. отъ свят. писаній. <sup>14)</sup> Указательный палець. <sup>15)</sup> Во гробы и платье. <sup>16)</sup> Листъ. <sup>17)</sup> И о семъ явите намъ отъ свят. писаній.

торыи ему поклонятся и которые ни? Златоустъ отступленіе нарицаеть антихриста того самого <sup>1)</sup>. О нынѣшнемъ ли отступленіи или еще горшій будетъ иный кто? И будутъ ли Ілія и Енохъ обличать прелести его <sup>2)</sup>?

Глава 94. Той же святой Іпполитъ глаголетъ въ словѣ своемъ о страшномъ судѣ: Восплачутся церкви Божія плачемъ веліимъ, зане ни приношенія, ниже кадило совершается, ниже служба богоугодная. Святіи церкви яко овощное хранилище будутъ. Честное тѣло и кровь во днехъ онѣхъ не имать явитися, и служба угаснетъ, и чтеніе не услышится, и тьма будетъ на человѣцѣхъ. И о семъ явите <sup>3)</sup> намъ отъ святыхъ писаній, въ которыхъ служба угаснетъ <sup>4)</sup>? О которой церкви святой Іпполитъ глаголетъ восплачутся? Видими ли церкви или духовныи въ вѣрныхъ? Въ которыхъ служба не будетъ и въ которыхъ тѣло и кровь Христова не имать явитися? Въ которыхъ человѣцѣхъ тьма будетъ <sup>5)</sup>? Будутъ ли вѣрныи христіяне тогда? Имать ли въ нихъ быти Христовы тайны или ни? Будетъ ли тогда церковь Христова или ни? За симъ явите, есть ли въ васъ или ни, и кто васъ ограбилъ? О, роде невѣрный и развращенный, умовредный!

(л. 23). Глава 95. <sup>6)</sup>. Како можетъ человекъ сохранитися отъ прелести еретической и отъ воли діаволи, дабы не отвергся вѣры православныя христіянскія? И о семъ явите <sup>7)</sup>. Будутъ ли тогда церкви, и вѣра, и вѣрніи человекѣ? И како могутъ сохранитися отъ прелести антихриста? Како святѣи церкви облеченной въ солнце, закатиться? И какъ звѣзды свѣтлыи будутъ падать на землю <sup>8)</sup>? И какова будутъ знаменья предъ суднымъ днемъ, ближняя и дальняя, и колико ихъ есть числомъ? <sup>9)</sup> Бѣжитъ церковь Божія и церковныи старѣйшины въ пустыню, да тамо питается <sup>10)</sup>. И о семъ яви, которая церковь бѣжитъ и въ коей пустыни, и которыи старѣйшины церковныи <sup>11)</sup>? Есть ли нынѣ въ васъ церковь Божія и старѣйшины церковныи или уже отъ васъ отбѣжали?

Глава 96. О церковныхъ прогоненіихъ горчайшихъ паки при антихристѣ, Апокалипсисъ, стихъ 142, 143. Змій стояше предъ женою, хотящею родити, да егда родить снѣсть чада ея. Толкованіе. <sup>12)</sup> Церкви Христова выну крещеніемъ раждаетъ. Змій прилѣжитъ крещаемыхъ убити и вѣру погубити, подвизаетъ присно гонители нечестивѣхъ царей, и мучителей, и еретиковъ, и отступниковъ,

<sup>1)</sup> Бесѣда Солунян. <sup>2)</sup> И о семъ увѣрите. <sup>3—4)</sup> *Притисано на полѣ.*

<sup>5)</sup> Како у васъ самочинцовъ угасла свѣща неугасимая? <sup>6)</sup> Катихиса Большаго глава 5. <sup>7)</sup> Свидѣтельство отъ свят. писаній. <sup>8)</sup> *Указательный чалець.* <sup>9)</sup> Апокалипсисъ, листъ 79. <sup>10)</sup> Двій 1260. <sup>11)</sup> И рците намъ.

<sup>12)</sup> Апок. тол.

и воду изливающе горьку, хотяще потопить <sup>1)</sup>). И о семь явите намъ, есть ли <sup>2)</sup> нынѣ церковь цѣла отъ гонителей и отъ горькой воды есть <sup>3)</sup>? И гдѣ убѣжали, въ кою пустыню? И въ которой церкви обрѣтается самочинныи, неосвященныи самогубители, пренебрегатели, и поругатели, и разстригатели и священнаго и иноческаго чина? О, рожденіе ехиднино! О, роде невѣрный и развращенный! Какъ имате явитись Христову лицу!

Глава 97. О брани между святыми аггелы со змиемъ и злыми его силами. И бысть брань на небеси Михаилъ и аггели его брань сотвориша со змиемъ. И змій брася и не возмогша, и мѣсто не обрѣтесе имъ къ тому на небеси <sup>4)</sup>). Зри: и бысть брань. Симъ являетъ сопротивленіе вѣрныхъ съ невѣрными и со еретиками. Пособствуютъ вѣрнымъ святіи аггелы, невѣрнымъ и еретикомъ пособляетъ діаволъ и аггели его <sup>5)</sup>). Черезъ аггелы Михайловы знаменуетъ истинныи учителя церкви Христовы. Черезъ аггелы змиевы знаменуетъ невѣрныхъ и еретиковъ, они же всегда церковь Христову ратуютъ и гонять <sup>6)</sup>). Зри: како змій низложенъ бысть на землю и какову испусти воду изъ устъ своихъ за женою, яко рѣку велику, да ю потопить. Что же вода сія бысть? Напасти, гоненіе, ложь, смертоносное ученіе отъ слугъ антихристовыхъ изъ устъ змія—діавола. И присно изливаетъ горькую воду, хотя потопить; земля же поможе женѣ, пожре рѣку змиеву. Есть ли цѣла святая церкви отъ воды змиевы или ни? Какъ и гдѣ она обрѣтается? <sup>7)</sup>).

(об.). Глава 98. Благовѣстникъ <sup>8)</sup>): церковь Христова и родъ христіанскій до скончанія вѣка имать быти. Которымъ святымъ писаніемъ увѣряется, неосвященніи лжеучители, и откуда блядутъ, что уже вѣра пала, церкви нѣтъ, служба угасла, пречистыхъ тайнъ и священства уже нѣтъ? <sup>9)</sup> Какъ и почто нарицается вѣрныи и христоименитыи люди? Какъ глава церкви Христосъ отсѣчесе отъ васъ? Какъ пресѣчесь жертва, и приношенье, и священство? Какъ отлучись женихъ невѣсты своя церкви, за нюже на крестѣ умре, душу свою положилъ, и кровь свою пречистую изліялъ? Кто васъ ограбилъ и кто васъ разлучилъ отъ Христовы церкви? И кто васъ прежь смерти уморилъ, святыхъ тайнъ и священства отлучилъ? <sup>10)</sup> Какъ ризу Христову съ васъ раздрали тайныи волки и сокрытые тати? Какъ уды Владычня разтерзали? Оле дерзости! О, святокраденія! Оле несытаго

<sup>1—2)</sup> *Вывоска на полъ.* <sup>3)</sup> Церковь Божія и благодать въ неосвященныхъ? <sup>4)</sup> Апок. глава 34. Тол. глав. 34. Тол. <sup>5)</sup> *Указательный палецъ.* <sup>6)</sup> И о семь явите, кто васъ ратуетъ, аще есть церкви Христова, кто пострадалъ? <sup>7)</sup> И о семь яви намъ, есть ли въ васъ или ни? <sup>8)</sup> Евангеліе Лук. зач. 100. <sup>9)</sup> И о семь явите, о злохулители самогубительныи. <sup>10)</sup> Явите, о змиево рожденіе и ехиднова чада!

мучительства! О, самогубительства и слѣпоты и прелести вашей, и горькой погибели!

Глава 99. Во увѣреніе святой Андрей толкованіе Апокалипсиса слово 11 сице свидѣтельствуеъ: Дѣйствуя бо, рече, во антихристѣ діаволѣ на церковь Христову бранію воополчится, и жена побѣже въ пустыню, и тамо борющихся бѣсовъ и лукавыхъ челоуѣкъ припоговѣ борующіи христіане избѣгнутъ <sup>1)</sup>). Зри отъ сего церковнаго учителя святаго Андрея сказаніе извѣстно, яко святая церковь Христова имать быти и при антихристѣ, и тайные церковныи въ ней пребывать имуть и никакоже не истребятся, и врата ада по Христову словеси не могутъ ей одолѣть <sup>2)</sup>). Сице мы вѣруемъ и исповѣдуемъ до скончанія вѣка быти ей. Засимъ явите намъ подобно о церкви, гдѣ обрѣтается и нерушима пребываетъ, и есть ли нынѣ или ни? <sup>3)</sup>.

Глава 100. О Гогѣ и Магогѣ и лютои ихъ како разумѣете? <sup>4)</sup> Что есть Гогъ и Магогъ, иже число, яко песокъ морской, и обѣдоша святой станъ, градъ возлюбленъ, святую церковь на всѣхъ 4 углѣхъ земли? <sup>5)</sup> Неужели разрушили ея всю, <sup>6)</sup> которая есть небесъ и аггеловъ и всея твари дрожайши, ей же ни варвари, ни бѣси, ни антихристъ, ни самъ сатана одолѣетъ <sup>7)</sup>? Ибо аще и тварь измѣнится, вѣрныхъ же церковь и словеса ея и евангеліе никогда же, пребудетъ же и родъ вѣрныхъ ни единымъ отъ предиреченныхъ пресѣцаемъ <sup>8)</sup>). Засимъ объявите и напишите во увѣреніе о святой церкви и о всѣхъ церковныхъ догматѣхъ, како всегда ратуема и никогда побѣждается, никогда же старѣетъ, но присно юнѣется. И гдѣ она нынѣ обрѣтается, въ коей странѣ и градѣ, и въ которыхъ учителѣхъ освященныхъ или неосвященныхъ; и како блюстись ученій еретическихъ и тайныхъ волковъ.

И о сихъ до здѣ.

1) Внимай и разумѣй, что свят. глаголетъ. 2) Зри. 3) Отъ святыхъ писаній увѣри. 4) Апок. 20 тол. 5) Зри. 6) Златоустъ. Маргаритъ. 7) Златоустъ, книга ко Рим., листъ 17. 8) Общее во всѣхъ о вышеписанныхъ 100 главахъ.



# САНКТ-ПЕТЕРБУРГСКАЯ ПРАВОСЛАВНАЯ ДУХОВНАЯ АКАДЕМИЯ

Санкт-Петербургская православная духовная академия Русской Православной Церкви – высшее учебное заведение, целью которого является подготовка священнослужителей, преподавателей духовных учебных заведений и специалистов в области богословских и церковных наук. Подразделениями академии являются: собственно академия, семинария, регентское отделение, иконописное отделение и факультет иностранных студентов.

## *Проект по созданию электронного архива журнала «Христианское чтение»*

Проект осуществляется в рамках процесса компьютеризации Санкт-Петербургской православной духовной академии. В подготовке электронных вариантов номеров журнала принимают участие студенты академии и семинарии. Руководитель проекта – ректор академии епископ Гатчинский Амвросий. Куратор проекта – проректор по научно-богословской работе священник Димитрий Юревич. Материалы журнала подготавливаются в формате pdf, распространяются на компакт-диске и размещаются на сайте академии.

**На сайте академии**  
**[www.spbda.ru](http://www.spbda.ru)**

- события в жизни академии
- сведения о структуре и подразделениях академии
- информация об учебном процессе и научной работе
- библиотека электронных книг для свободной загрузки